




考
氏
七
〇

桓
三年
五月
十六日

服部文庫
イ17
207
4



117
207
4



春秋左傳註疏卷第六

桓三年
盡六年

晉杜氏註

唐孔穎達疏

經三年春正月公會齊侯于贏

經之首時必書王明

此歷天王之所班也其或廢法違常失不班歷故不

書王贏齊邑今泰山贏縣○經三年正月從此盡十

傳以為義或有王字者非贏音盈

於春有王九年春無王無月其餘十三年雖春有月

悉皆無王穀梁傳曰桓無王其曰王何也謹始也其

能救百姓不能去以為無王之道遂可以至焉爾元

春秋左傳

卷之六

及古周



年有王所以治桓也二年有王在與夷之卒也十年
 有王正終生之卒也十八年書王范甯註云此年書
 王以王法終治桓之事先儒多用穀梁之說賈逵云
 不書王弑君易昉田成宋亂無王也元年治桓二年
 治督十年正曹伯十八年終始治桓杜以正是王正
 歷從王出故以為王者班歷史乃書王明此歷天王
 之所班也其或廢法違常失不班歷則諸侯之史不
 得書王言此十三年無王皆王不班歷故也劉炫規
 過云然天王失不班歷經不書王乃是國之大事何
 得傳無異文又昭二十三年以後王室有子朝之亂
 經皆書王豈是王室猶能班歷又襄二十七年再失
 閏杜云魯之司歷頓置兩閏又哀十三年十二月蝓
 杜云季孫雖聞仲尼之言而不正歷如杜所註歷既
 天王所班魯人何得擅改又子朝奔楚其年王室方
 亂王位猶且未定諸侯不知所奉復有何人尚能班
 歷昭二十三年秋乃書天王居于狄泉則其春未有
 王矣時未有王歷無所出何故其年亦書于也若春
 秋之歷必是天王所班則周之錯失不關於魯魯人

司

雖或知之無由輒得改正襄二十七年傳稱司歷過
 再失閏者是周司歷也魯司歷也而杜釋例云魯之
 再歷始覺其謬頓置兩閏以應天正若歷為王班當
 一論王命寧敢專置閏月改易歲年哀十三年十二
 月蝓仲尼曰火猶西流司歷過也杜於釋例又云季
 孫雖聞此言猶不即改明年復蝓於是始悟十四年
 春乃置閏欲以補正時歷既言歷為王班又稱魯人
 輒改改之不憚於王亦復何須王歷杜之此言自相
 矛盾以此立說難得而通又案春秋經之闕文甚多
 其事非一亦如夫人有氏無姜有姜無氏及大雨霖
 唐咎如潰之類也此無王者正是闕文耳今刪定知
 此不書王非是經之闕文必以為失不班歷者杜之
 所據雖無明文若必闕文止應一事兩事而已不應
 一公之內十四年並闕王字杜以周禮有頒告朔于
 邦國都鄙以有成文故為此說但齊桓晉文以前翼
 戴天子王室雖微猶能班歷至靈王景王以後王室
 卑微歷或諸侯所為亦遙稟天子正朔所以有子朝
 之亂經仍稱王不責人所不得也猶如大夫之卒公
 卒火充

疾在外雖不與小斂亦同書日之限然則司歷之過魯史所改據此而言有何可責劉君不尋此旨橫生異同以規杜過恐非其義也

夏齊侯衛侯胥命于蒲 申約言以相命而不軟血也

蒲衛地在陳留長垣縣西南 約如字又於妙反軟所洽反垣音袁

六月公會杞侯于郕

秋七月壬辰朔日有食之既 無傳既盡也歷家之說

謂日光以望時遙奪月光故月食日月同會月奄日故日食食有上下者行有高下日光輪存而中食者相奄密故日光溢出皆既者正相當而相奄間疏也

然聖人不言月食日而以自食為文闕於所不見

既盡也 月體無光待日照而光生半照即為弦全照乃成望望為日光所照反得奪月光者歷家之說當日之衝有大如日者謂之閭虛閭虛當月則月必減光故為月食張衡靈憲曰當日之衝光常不合是謂閭虛在星則星微遇月則月食是言日奪月光故月食也若是日奪月光則應每望常食而望亦有不食者由其道度異也日月異道有時而交交則相犯故日月遞食交在望前朔則日食交在望後交在望後望則月食後月朔則日食交正在朔則日食既前後望不食交正在望則月食既前後七十三日有餘而道始一交非交則不相侵犯故朔望不常有食也道不正交則日斜照月故月光更盛道若正交則日衝當月故月光即滅譬如火斜照水日斜照鏡則水鏡之光旁照他物若使鏡正當日水正當火則水鏡之光不能照日之奪月亦猶是也

日月同會道度相交月揜日光故日食日奪月光故月食言月食是日光所衝日食是月體所映故日食常在朔月食常在望也食有上下者行有高下謂月在日南從南入食南下北高則食起於下月在日北從北入食則食發於高是其行有高下故食不同也故異義云月高則其食虧於上月下則其食虧於下也日月之體大小正同相揜密者二體相近正映其形故光得溢出而中食也相揜疏者二體相遠月近而日遠自人望之則月之所映者廣故日光不復能見而日食既也日食者實是月映之也但日之所在則月體不見聖人不言月來食日而云有物食之以自食為文闕於所不見也

公子翬如齊逆女

禮君有故則使卿逆

禮君有故則使卿逆

禮君至

禮君至

義曰天子尊無與敵不自親逆使卿逆而上公臨之諸侯則親逆有故得使卿八年祭公逆王后于紀傳曰禮也是當使人天子不親逆也襄十五年傳曰官師從單靖公送王后于齊卿不行非禮也是知天子

之禮當使卿逆而上公臨之也禮記哀公問曰冕而親迎不已重乎孔子對曰合二姓之好以繼先聖之後以為天地宗廟社稷之主君何謂已重乎此對哀公指言魯事是諸侯正禮當親逆也莊二十四年公如齊逆女丘明不為之傳以其得禮故也文四年逆婦姜于齊傳曰卿不行非禮也以卿不行為非禮知君有故得使卿逆也九月齊侯送姜氏于謹謹魯地濟北蛇丘縣西有下謹亭已去齊國故不言女未至於魯故

不稱夫人

蛇以支反

公會齊侯于謹

無傳夫人

姜氏至自齊無傳告於廟也不言翬以至者齊侯送之公受之於謹

冬齊侯使其弟年來聘

死

春秋

卷之六

公

為駟故總舉一乘則謂之駟指其駟馬則謂之駟詩稱兩駟如舞二馬皆稱駟禮記稱駟而駟之一馬亦稱駟是本其初參遂以為名也駟馬在衡外挽鞅每絰於木由頸不當衡故也各駟者以駟馬有駟駟之容故少儀云

夜獲之及樂共叔共叔桓叔之傅樂賓之子也身傅翼侯父子各殉所奉之主故并見獲而免○共音恭註○會于嬴成昏于齊也註公不

由媒介自與齊侯會而成昏非禮也○介○至禮也音界

○正義曰此成昏謂聘文姜也詩刺魯桓公不能禁制文姜云取妻如之何匪媒不得既曰得止曷又極止言桓公以媒得文姜此云不由媒者公親會齊侯必無媒也詩舉正法以刺上傅據實事以解經故不耳同○夏齊侯衛侯胥命于蒲不盟也○公會杞侯于

邾杞求成也二年入杞故今來求成○秋公子翬

如齊逆女修先君之好故曰公子昏禮雖奉時君

之命其言必稱先君以為禮辭故公子翬逆女傳稱

修先君之好公子遂逆女傳稱尊君命互舉其義呼報反

註同言尊君命是奉時君之命也此言修先君

之好是稱先君為辭也翬遂俱是逆女傳文各言其

一是互舉其義昏禮納采辭曰某有先人之禮使某

也請納采其納徵辭曰某有先人之禮使某也請納

徵是男家辭也主人醴賓辭曰子為事故至於某之

室某有先人之禮請醴從者是女家辭也彼士禮也

故稱先人若諸侯則稱先君以此知其言必稱先君

以為禮辭齊侯送姜氏非禮也凡公女嫁于敵國姊妹則

禮辭齊侯送姜氏非禮也凡公女嫁于敵國姊妹則

禮辭齊侯送姜氏非禮也凡公女嫁于敵國姊妹則

禮辭齊侯送姜氏非禮也凡公女嫁于敵國姊妹則

春秋

卷之六

公

上卿送之以禮於先君公子則下卿送之於大國雖

公子亦上卿送之於天子則諸卿皆行公不自送於

小國則上大夫送之齊侯送姜氏本或作送姜氏

于謹公子則下卿送公子公女凡公至送之○正義曰昏以相敵為

耦先以敵國為文然後於大國小國辨其所異姊妹

於敵國猶上卿送之於大國則上卿必矣且姊妹禮

於先君不以所嫁輕重雖則小國亦使上卿送也於

小國則上大夫送之文承公子之下謂送公子非送

姊妹也周禮序官唯有中大夫無上大夫也禮記王

制曰諸侯之上大夫卿鄭玄云上大夫曰卿則上大

夫即卿也又無上大夫矣而此云上大夫者諸侯之

制三卿五大夫五人之中又復分為上下成三年傳

曰次國之上卿當大國之中中當其下下當其上大

夫小國之上卿當大國之下卿中當其上大夫下當

其下大夫是分○冬齊仲年來聘致夫人也古者

大夫為上下也古者至釋之○正義曰經書來聘傳言

女出嫁又使大夫隨加聘問存謙敬序殷勤也在魯

而出則曰致女在他國而來則總曰聘故傳以致夫

人釋之致夫人是行聘禮而致之也故知使大夫

隨加聘問得所以存謙敬序殷勤也其意言不堪事

宗廟則欲以之歸也成九年季孫行父如宋致女與

此事同而文異故辨之云在魯而出則曰致女在他

國而來則總曰聘是詳內畧外之文傳嫌其不同故

以致夫人釋之○芮伯萬之母芮姜惡芮伯之多寵人也故

逐之出居于魏為明年秦侵芮張本芮國在馮翊

臨晉縣魏國河東河北縣○芮如銳反國名

惡烏路反翊音翼明至

及七

北縣○正義曰地理志云馮翊臨晉縣芮鄉故芮國也河東郡河北縣詩魏國也世本芮魏皆姬姓尚書顧命成王將崩有芮伯為卿士名諡不見魏之初封不知何人閔元年晉獻公滅魏芮則不知誰滅之

經四年春正月公狩于郎

冬獵曰狩行三驅之禮得

田狩之時故傳曰書時禮也周之春夏之冬也田狩

從夏時郎非國內之狩地故書地

○狩手又反夏戶雅反下同

冬獵至書地○正義曰冬獵曰狩爾雅釋天文也

易比卦九五王用三驅失前禽鄭玄云王者習兵於

蒐狩驅禽而射之三則已法軍禮也失前禽者謂禽

在前來者不逆而射之旁去又不射唯背走者順而

射之不中則已是其所以失之用兵之法亦如之降

者不殺奔者不禦皆為敵不敵已加以仁恩養威之

道是說三驅之事也狩獵之禮唯有三驅故知行三

驅之正禮得田獵之常時故傳曰書時禮也善其得

時明禮皆無違矣周之春正月建子即是夏之仲冬

也周禮大司馬中冬教大閱遂以狩田是田狩從夏

時也釋例曰三王異正朔而夏數為得天雖在周代

於言時舉事皆據夏正故公以春狩而傳曰書時禮

也隱五年公矢魚于棠傳曰言遠地也僖二十八年

天王狩于河陽傳曰言非其地也舉地名者皆言其

非地故知此即非國內之狩地故書地也若國內狩

地大野是也哀十四年傳曰西狩於大野經不書大

野明其得常地故不書耳由此而言則狩于禚蒐于

紅及比蒲昌間皆非常地故書地也田狩之地須有

常者古者民多地狹唯在山澤之間乃有不殖之地

故天子諸侯必於其封內擇隙地而為之僖三十三年

有常狩之處違其常處則犯害民物故書地以譏之

夏天王使宰渠伯糾來聘

宰官渠氏伯糾名也王官

之宰當以才授位而伯糾攝父之職出聘列國故書

名以譏之國史之記必書年以集此公之事書首時以成此年之歲故春秋有空時而無事者今不書秋

冬首月史闕文他皆放此○糾居○宰官至放此

天官有大宰小宰宰夫知宰是官也傳言父在故名知伯糾是名自然渠為氏矣周禮大宰卿小宰中大夫宰夫下大夫未知伯糾是何宰也貶之乃書名則於法當書字但中下大夫側皆書字則此宰高下猶未可量故註直言王官之宰不指小宰宰夫慎疑故也詩稱濟濟多士書戒無曠庶官為政有三擇人為急王官之宰當以才授位今其父居官而使子攝職是王者輕侮爵位遭人則可故書名以譏之糾之出聘事由於王而貶糾者王不應授糾糾不應受使二者俱有其過貶糾亦所以責王如宰咥之比也春秋編年之書四時畢具乃得為年此無秋冬知是史闕文也舊史先闕故仲尼因之膏肓何休以為左氏宰

渠伯糾父在故名仍叔之子何以不名又仍叔之子以為父在稱子伯糾父在何以不稱子鄭箴之云仍叔之子者譏其幼弱故畧言子不名之至於伯糾能堪聘事私覲又不失子道故名且字也鄭氏所箴與杜同云伯糾名凡字非杜義

傳四年春正月公狩于郎書時禮也○郎非狩地故

書時合禮○郎非至合禮○正義曰春秋之世狩

得地則常事不書故也○以獲麟在於大野得地則不

書其地知地時並得則例皆不書此書公狩于郎必是有所譏刺所刺之意在於失常地也但傳於棠其河陽已云言非其地則非地之責於理已見而此狩得時恐非時亦刺駁出合理而非禮自明故註申其意言郎非狩地唯時合禮以時合理地非禮也公羊傳曰常事不書此何以書譏何譏爾遠也公羊說諸侯遊戲不得過郊故有遠近之言左氏無此義要言

禮與唯

遠者亦是譏其失常地也 ○夏周宰渠伯糾來聘父在故名 ○秋

秦師侵芮敗焉小之也 秦以芮小輕之故為芮所

敗 ○冬王師秦師圍魏執芮伯以歸 三年芮伯出

居魏芮更立君秦為芮所敗故以芮伯歸將欲納之

經五年春正月甲戌巳丑陳侯鮑卒 未同盟而書名

者來赴以名故也甲戌前年十二月二十一日巳丑

此年正月六日陳亂故再赴赴雖日異而皆以正月

起文故但書正月慎疑審事故從赴兩書 鮑步

未同至兩書 ○正義曰僖二十三年傳例曰赴以名則亦書之檢經傳魯未與陳盟而書鮑名知其來

赴以名故也隱八年蔡侯考父卒註云蓋春秋前與惠公盟故赴以名案史記年表隱之元年是陳桓公之二十三年則桓公亦得與惠公盟而云未同盟者以蔡侯之卒去惠尚近故疑與惠公盟此去惠公年月已遠且自隱公以來陳魯未嘗交好於惠公之世亦似無盟故以未同盟解之也以長歷推之知甲戌巳丑別月而赴者並言正月故兩書其月但此異年之事設月若其各以月赴亦應兩書其月但此異年之事設令兩以月赴則當於四年云十二月甲戌陳侯鮑卒五年正月巳丑陳侯鮑卒

夏齊侯鄭伯如紀 外相朝皆言如齊欲滅紀紀人懼

而來告故書 外相至故書 ○正義曰傳言朝經

此相類故云外相朝皆言如也魯出朝聘例亦言如獨言外朝者經有公朝王所以不盡云公如故獨云外也朝聘而謂之如者爾雅釋詁云如往也朝者兩君相見揖讓兩楹之間聘者使卿通問鄰國執圭以

致君命據行禮而為言也魯之君臣出適他國始行
即書於策未知成禮以否經每有在塗乃復是禮未
必成故直云如言其往彼國耳不果必成朝聘也公
朝王所則朝訖乃書故指朝言之此齊鄭朝紀亦應
朝訖乃告但畧外故言如耳外相朝例不書而此獨
書者傳言欲以襲紀紀人知之明其懼而告魯故書
也

天王使仍叔之子來聘仍叔天子之大夫稱仍叔之

子本於父字幼弱之辭也譏使童子出聘仍叔

○正義曰天子大夫例皆書字仍氏叔字知是天子
大夫也公羊穀梁皆以仍叔之子為父老代父從政
左氏直云弱也言其幼弱不言父在則是代父嗣位
非父在也伯糾身未居官攝行父事故稱名以貶之
此子雖已嗣位而未堪從政故繫父以譏之譏王使
童子出聘也蘇氏用公羊穀梁之義以為父老來聘

非父沒義
或當然

葬陳桓公無傳

城祝丘無傳齊鄭將襲紀故

秋蔡人衛人陳人從王伐鄭王自為伐鄭之主君臣

之辭也王師敗不書不以告

大雩傳例曰書不時也失龍見之時

螽無傳螽蟥之屬為災故書

故書○正義曰釋蟲云螽蟥蟥揚雄方言云春黍
謂之螽蟥陸璣毛詩疏云幽州人謂之春箕春箕即
春黍蝗類也長而青股鳴者或謂似蝗而小班黑其
股狀如瑋瑁又五月中以兩股相切作聲聞十數步
及古蜀

水火危

卷之六十一

爾雅又有螿螽土螽樊光云皆蚣蟻之屬然則螽之種類多故言屬以包之傳稱凡物不為災不書知此為災故書

冬州公如曹不書奔以朝出也為下實來書也曹國

今濟陰定陶縣勞反陶同州公如曹正義曰周禮

四百里伯三百里子二百里男一百里隱五年公羊

傳曰天子三公稱公王者之後稱公其餘大國稱侯

小國稱伯子男然則三公之外爵稱公者唯二王之

後祀與宋耳此州公及僖五年晉人執虞公並是小

國而得稱公者鄭玄王制註以為殷地三等百里七

十里五十里武王克殷雖制五等之爵而因殷三等

之地及周公制禮大國五百里小國百里所因殷之

諸侯亦以功黜陟之其不滿者皆益之地為百里焉

是以周世有爵尊而國小爵卑而國大者言爵尊國

小蓋指此州公虞公也案虞是克商始封非為殷之

餘國鄭玄之言不可通於此矣杜之所解亦無明言

唯世族譜云虞姬姓武王克商封虞仲之庶孫以為

虞仲之後處中國為西吳後世謂之虞公服虔云春

秋前以黜陟之法進爵為公未知孰是或可嘗為三

公之官若虢公之屬故稱公也以其無文故備言之

劉炫難服云周法二王之後乃得稱公雖復周公太

公之勲齊桓晉文之霸位止通侯未升上等州有何

功得遷公爵若其爵得稱公土亦應廣安得爵為上

公地仍小國若地被兼黜爵亦宜減安得地既削小

爵尚尊崇此則理之不通也不書至陶縣正

義曰如者朝也以朝出國不得書奔外朝不書以因

來向魯故書其本也世本州國姜姓曹國伯爵譜云

曹姬姓文王子叔振鐸之後也武王封之陶丘今濟

陰定陶縣是也桓公三十五年魯隱公之元年也伯

陽立十五年魯哀公之八年而宋滅曹

地理志濟陰郡定陶縣詩曹國是也

何

亂文公子佗殺太子免而代之佗桓公弟五父也

稱文公子明佗非桓公母弟也免桓公太子○佗大河反免

音問父公疾病而亂作國人分散故再赴○公疾病正義

音甫曰鄭玄論語註云○夏齊侯鄭伯朝于紀欲以襲之

紀人知之○王奪鄭伯政鄭伯不朝○奪不使知王

政○襲○奪不使知王政○正義曰隱三年傳稱

音習也及平王崩周人將界虢公政○即周鄭交惡未得與

之八年傳曰虢公忌父始作卿士于周於是始與之

政共鄭伯分王政矣九年傳曰鄭伯為王左卿士然

則虢公為右卿士與鄭伯夾輔王也此年王奪鄭伯

政全奪與虢不使鄭伯復知○秋王以諸侯伐鄭鄭

王政故鄭伯積恨不復朝于

伯禦之王為中軍虢公林父將右軍蔡人衛人屬焉

○虢公林父王卿士○將音子匠反周公黑肩將左

軍陳人屬焉○黑肩周桓公也鄭子元請為左拒以

當蔡人衛人○子元鄭公子拒方陳○拒俱甫反下

文之陳為右拒以當陳人曰陳亂民莫有鬪心若先

犯之必奔王卒顧之必亂蔡衛不枝固將先奔○不

能相支持也○卒尊忽既而萃於王卒可以集事從

之萃聚也集成也○萃似曼伯為右拒○曼伯檀

伯○曼○因櫟人殺檀伯昭十一年傳曰鄭京櫟實

春秋左傳卷之六十三

殺曼伯知祭仲足為左拒原繁高渠彌以中軍奉公

為魚麗之陳先偏後伍伍承彌縫司馬法車戰二

十五乘為偏以車居前以伍次之承偏之際而彌縫

闕漏也五人為伍此蓋魚麗陳法麗力知反註同

反司馬至陳法正義曰史記稱齊景公之時

時齊威王用兵行威大放穰苴之法乃使大夫追論

古者司馬兵法而附穰苴其中凡一百五十篇號曰

司馬法車戰二十五乘為偏是彼文戰于繡葛

也五人為伍周禮司馬序官文也繡葛

葛鄭地音須命二拒曰旂動而鼓旂旂也通帛為

之蓋今大將之麾也執以為號令旂古外反又古

活反本亦作儗建

說文

於

大木置石其上發機以碓敵麾許危反

為然成二年傳張侯曰師之耳目在吾旗鼓進退從

之是在軍之士視將旗以進退也今命二拒令旂動

而鼓望旗之動鼓以進兵明旂是可觀之物又旂字

從於旌旗之類故知旂為旂也周禮司常通帛為旂

故云通帛為之謂通用一絳帛無畫飾也鄭玄云凡

旂旗有軍眾者畫異物無者帛而已鄉遂大夫或載

旂或載物眾屬軍史無所將如鄭之意則將不得建

旂而此軍得有旂者僖二十八年傳曰城濮之戰晉

中軍風于澤亡大旂之左旂是知戰必有旂故以旂

為旂也鄭氏之言自謂治兵之時出軍所建不廢戰

陳之上猶自用旂指麾今時為軍猶以旂麾號令故

云蓋今大將之麾執以為號令也賈逵以旂為發石

一曰飛石引范蠡兵法作飛石之事以證之說文亦

云建大木置石其上發以機以碓敵與賈同也案范

春秋

卷之六

漢書

之此說文載之於部而以飛石解之為不類矣且三

旂之法雖有飛石之事不言名為旂也發石非旂

旂之說文載之於部而以飛石解之為不類矣且三

旂之法雖有飛石之事不言名為旂也發石非旂

旂之說文載之於部而以飛石解之為不類矣且三

軍之衆人多路遠發石之動何以可見而使二蔡衛

拒準之爲擊鼓候也註以旃說爲長故從之

陳皆奔王卒亂鄭師合以攻之王卒大敗祝聃射王

中肩王亦能軍雖軍敗身傷猶殿而不奔故言能

軍○射食亦反中丁祝聃請從之公曰君子不欲多

上人況敢凌天子乎苟自救也社稷無隕多矣鄭

於此收兵自退○隕于敏反夜鄭伯使祭足勞王且問左

右言鄭志在苟免王討之非也○勞力報反註同名

仲字祭足至非也○正義曰隱元年傳稱祭仲

足祭足此云祭仲足此云祭足十一年傳曰祭封人

仲足此人雖名字互見而不知孰字孰名公羊以仲

爲字左氏先儒亦以爲字但春秋之例諸侯之卿嘉

之乃書字十一年經書祭仲而事無可嘉註意以仲

爲名故云各仲字仲足釋例曰伯仲叔季固人字之

常然古今亦有以爲名者而公羊守株專謂祭氏以

仲爲字既謂之字無辭以善之因託以行權人臣而

善其行權逐君是亂人倫壞大教也說左氏者知其

不可更云鄭人嘉之以字告故書字此謂因有告命

之例欲以苟免未是春秋之實也宰渠伯糾蕭叔大

心皆以伯叔爲名則仲亦名也傳又曰祭仲足或偏

稱仲或偏稱足蓋名仲字足也是辨其名仲之意也

凡傳所記事必有意存焉此丁寧說鄭言其志在苟

免知其意言○仍叔之子弱也仍叔之子來聘童

子將命無速反之心又留在魯故經書夏聘傳釋之

於末秋仍叔至末秋○正義曰此子來聘傳雖

不言聘意蓋爲將伐鄭而遣告魯也經在

伐鄭之上傳在伐鄭之下明其必有深意故註者原
 之以為童子將命無速反之心久留在魯故經書夏
 聘傳釋之於未秋譏其夏至而秋未反也下句更言
 秋大雩則秋未為末註云未秋者上有秋王以諸侯
 伐鄭此仍叔之文在秋事之末故云未秋也 ○秋大
 雩書不時也 十二公傳唯此年及襄二十六年有
 兩秋此發雩祭之例欲顯天時以指事故重言秋異
 於凡事 用反 秋王以諸侯伐鄭而此復言秋故
 解之方發雩祭之例須辨雩祭之月欲顯言天時以
 指怠慢之事故重言秋異於凡事凡事則不須每事
 重舉時也襄二十六年重言秋者彼註自 凡祀啓蟄
 釋中間有初不言秋則嫌楚客過在他年 而郊 言凡事通下三句天地宗廟之事也啓蟄夏

正建寅之月祀天南郊 ○蟄直立 言凡至南郊
 句謂雩嘗烝也雩是祭天嘗烝祭宗廟此無祭地而
 言祭地者因天連言地耳周禮天神曰祀地祇曰祭
 人鬼曰享對則別為三名散則總為一號禮諸侯不
 得祭天魯以周公之故得郊祀上帝故雩亦祀帝書
 傳皆不言魯得祭地蓋不祭地也魯不祭地而註言
 天地者以發凡言例雖因魯史經文然凡之所論總
 包天地及諸國則凡公嫁女於天子諸卿皆行及王
 曰小童之例是也此凡祀亦總包天子及諸國則有
 祭地之文故杜連言之釋例云凡祀舉郊雩烝嘗則
 天神地祇人鬼之祭皆通其他羣祀不錄可知也祔
 祠及地祇經無其事故不備言亦約文以相包也祔
 祠之祭過則亦書但無過時者故經不書耳夏小正
 曰正月啓蟄其傳曰言始發蟄也故漢氏之始以啓
 蟄為正月中雨水為二月節及大初以後更改氣名
 以雨水為正月中驚蟄為二月節以迄于今踵而不
 改今歷正月雨水中四月小滿中八月秋分中十月
 水亢

小雪中註皆以此四句為建寅建巳建酉建亥之月
 則啓蟄當雨水龍見當小滿始殺當秋分閉蟄當小
 雪晉世之歷亦以雨水為正月中而釋例云歷法正
 月節立春啓蟄為中氣者因傳有啓蟄之文故遠取
 漢初氣名欲令傳與歷合其餘三者不可強同其名
 雖則不同其法理亦不異故釋例云案歷法有啓蟄
 驚蟄而無龍見始殺閉蟄此古人所名不同然其法
 推不得有異傳曰火伏而後蟄者畢此謂十月始蟄
 也至十一月則遂閉之猶二月之驚蟄既啓之後遂
 驚而走出始蟄之後又自閉塞也是言啓蟄為正月
 中閉蟄為十月中也註以閉蟄為十月而釋例云十
 一月遂閉之者以正月半蟄蟲啓戶二月初則驚而
 走出十月半蟄蟲始閉十一月初則遂閉之傳稱四
 者皆舉中氣言其至此中氣則卜此祭次月初氣仍
 是祭限次月中氣乃為過時既以閉蟄為建亥之月
 又言十一月則遂閉之欲見閉蟄以後冬至以前皆
 得烝祭也故釋例云孟獻子曰啓蟄而郊郊而後耕
 耕謂春分也言得啓蟄當卜郊不應過春分也春分

以前皆得郊則冬至以前皆得烝也釋例又曰僖公
 襄公夏四月卜郊但譏其非所宜卜而不譏其四月
 不可郊也以建卯之月猶可郊知建子之月猶可烝
 也正由節節月前未涉後月中氣故耳傳本不舉月
 為限而舉候以言者釋例曰凡十二月而節氣有二
 十四共通三百六十六日分為四時間之以閏月故
 節未必恒在其月初而中氣亦不得恒在其月之半
 是以傳舉天宿氣節為文而不以月為正也土功作
 者不必月日故亦言龍見而畢務戒事也火見而致
 用水昏正而裁日而畢此其大準也是言凡候天
 時皆不以月為其節有參差故也若周禮不舉天象
 故以月為正大司馬職曰中夏獻禽以享祠中冬獻
 禽以享烝言四時之祭不得後仲月非謂孟月不得
 烝也釋例曰周禮祭宗廟以四仲蓋言其下限也下
 限至於仲月則上限制於孟月烝起建亥之月則嘗
 起建申之月此言始殺而嘗謂建酉之月亦是下
 也若仲是下限制則周之正月得為烝祭春秋之例得
 常不書而八年書正月烝者釋例云經書正月烝得

春火流
 卷之六十七
 及古蜀

仲月之時也。其夏五月復烝，此為過烝。若但書夏五月，烝則唯可知其非時。故先發正月之烝，而繼書五月，烝以示非時。并明再烝，瀆也。然仲月雖不過時，而月節有前，有卻。若使節前月，卻即為非禮。此秋大雩，是建午之月耳。而傳言不時，明涉其中節。故譏之。釋例云：龍星之體畢見，謂立夏之月。得此月，則當卜祀。過涉次節，則以過而書。故秋雩書不時，此涉周之立。秋節也。言涉立秋節者，謂涉立秋之月中氣節也。過涉次節，亦謂中節非初節也。若始涉初節，則不譏之矣。如此傳註，必是建寅之月。方始郊天。周之孟春未得郊也。禮記明堂位曰：魯君孟春乘大輅，載弧韜，以祀帝於郊。季夏六月，以禘禮祀周公於大廟。季夏周之六月，即孟春是周之正月矣。又雜記云：孟獻子曰：正月日至，可以有事於上帝。七月日至，可以有事於祖。七月而禘，獻子為之。如彼記文，則魯郊以周之孟春而傳言啓蟄而郊者，禮記後人所錄。其言或中或否，未必所言皆是。正禮襄七年傳：孟獻子曰：啓蟄而郊，禮記左傳俱稱獻子而記言日至。傳言啓蟄一人。

兩說必有謬者。若七月而禘，獻子為之，時應有七月禘矣。烝嘗過則書禘，過亦應書。何以獻子之時不書七月禘也？是知獻子本無此言。不得云禮記是而左傳非也。明堂位言正月郊者，蓋春秋之末，魯稍僭侈，見天子冬至祭天，便以正月祀帝。記者不察其本，遂謂正月為常。明堂位後世之書，其末章云：魯君臣未嘗相弑也。禮樂刑法政俗未嘗相變也。春秋之世，三君見弑，鬻而弔士，有誅俗變多矣。尚云無之，此言既誣，則郊亦難信。以此知記言孟春非正禮也。鄭玄註書多用讖緯言天神有六地，祇有二天，有天皇大帝，又有五方之帝，地有崑崙之神，又有神州之神，大司樂冬至祭於圜丘者，祭天皇大帝，北辰之星也。月令四時迎氣於四郊，所祭者祭五德之帝，大微宮中五帝坐星也。春秋緯文耀鉤云：太微宮有五帝坐星，蒼帝其名曰靈威仰，赤帝曰赤熛怒，黃帝曰含樞紐，白帝曰白招拒，黑帝曰汁光紀，五德之帝，謂此也。其夏正郊天祭其所感之帝焉。周人木德，祭靈威仰也。魯無冬至之祭，唯祭靈威仰耳。唯鄭玄立此為義而

先儒悉不然故王肅作聖證論引羣書以證之言郊則園丘園丘即郊天體唯一安得有六天也晉武帝王肅之外孫也泰始之初定南北郊祭一地一天用言有二天然則杜意天子冬至所祭魯人啓蟄而郊猶是一天但異時祭耳此註直云祀天南郊不言靈威仰明與鄭異也劉炫云夏正郊天后稷配也冬至祭天園丘以帝嚳配也

龍見建巳之月蒼龍宿之體昏見東方萬物始盛待

雨而大故祭天遠為百穀祈膏雨○見賢通反註同宿音秀為于偽反

龍龍見至膏雨○正義曰天官東方之星盡為蒼龍之宿見謂合昏見也雩之言遠也遠為百穀祈膏雨遠者豫為秋收言意深遠也穀之種類多故詩每言百穀舉成數也雨之聞物者脂膏然故謂其雨為膏雨襄十九年傳曰百穀之仰膏雨是也傳有言雩而經書大雩者賈逵云言大別山川之雩蓋以諸

候雩山川魯得雩上帝故稱大月令云大雩帝用盛樂是雩帝稱大雩也此龍見而雩定在建巳之月而月令記於仲夏章者鄭玄云雩之正當以四月凡周之秋五月之中而早亦修雩祀而求雨因著正雩於此月失之矣杜君以為月令秦法非是周典賴子嚴以龍見即是五月釋例曰月令之書出自呂不韋其意欲為秦制非古典也賴氏因之以為龍見五月五月之時龍星已過於見此為強牽天宿以附會不韋之月令非所據而據既以不安且又自違左氏傳稱秋大雩書不時此秋即賴氏之五月而忘其不時之文而欲以雩祭是言月令不得與傳合也鄭玄禮註云雩之言吁也言吁嗟哭泣以求雨也郊雩俱是祈穀何獨雩為吁嗟旱而修雩言吁嗟可矣四月常雩於時未旱何當言吁嗟也賈服以雩為遠故杜從之也

始殺而嘗建酉之月陰氣始殺嘉穀始熟故薦

嘗於宗廟建酉至宗廟○正義曰嘗者薦於宗廟以嘗新為名知必待嘉穀熟乃為之

及古

也詩稱八月其穫穫刈嘉穀在於八月知始殺為建
酉之月陰氣始殺也釋例引詩兼葭蒼蒼白露為霜
以證始殺百草也月令孟秋白露降季秋霜始降然
則七月有白露八月露結九月乃成霜時寒有漸歲
事稍成八月嘉穀熟所薦之物備故以建酉之月薦
嘗於宗廟案月令孟秋農乃登穀天子嘗新先薦寢
廟則似七月穀熟矣七月當嘗祭而云建酉之月乃
嘗祭者以上下準之始殺嘗祭實起於建申之月今
云建酉者言其下限然杜獨於嘗祭舉下限者以秋
物初熟孝子之祭必待新物故特舉下限而言之哀
十三年子服景伯謂吳太宰曰魯將以十月上辛有
事於上帝先公季辛而畢彼雖恐吳之辭亦是八月
嘗祭之驗也何則於時會吳在夏公至在秋景伯言
然之時秋之初也若嘗在建申當言九月不應遠指
十月知十月是嘗祭之常期周之十月是建酉之月
也建酉是下限耳若節前月卻孟秋物成亦可以孟
秋嘗祭故釋例云周禮四仲月言其下限若建申得
嘗何以釋例又云始殺而嘗謂建酉之月兼葭蒼蒼

白露為霜又以始殺唯建酉之月者以賈服始殺唯
據孟秋不通建酉之月故釋例破賈服而為此言也
先此則不可十四年八月乙亥嘗乃閉蟄而烝建
是建未之月故註云先其時亦過也
亥之月昆蟲閉戶萬物皆成可薦者眾故烝祭宗廟
釋例論之備矣
○閉必計反又必結反
○建亥至
字林方結反烝之承反
○備矣
○正
義曰傳稱火伏而後蟄者畢周禮季秋內火則火以
季秋入而孟冬伏昆蟲以孟冬蟄故知閉蟄是建亥
之月也王制云昆蟲未蟄不以火田鄭玄云昆明也
明蟲者得陽而生得陰而藏陰陽即寒溫也祭統詳
云昆蟲謂溫生寒死之蟲也是蟄蟲謂之昆蟲也月
令仲春云蟄蟲咸動啓戶始出言啓戶故蟄言閉
戶爾雅釋詁云烝眾也知萬物過則書
卜日有吉
皆成可薦者眾故名此祭為烝
過則書
卜日有吉
否過次節則書以譏慢也
○卜日至慢也
○正義
曰祭必當卜卜有吉否

不吉則當改卜次旬故不可期以一日卜不過三
故限以一月過涉次月之節則書之以譏其慢

冬淳于公如曹度其國危遂不復
淳于州國所都

城陽淳于縣也國有危難不能自安故出朝而遂不

還○度待洛反復音服後
不音者皆同難乃且反

經六年春正月寔來
寔實也不言州公者承上五年

冬經如曹間無異事省文從可知
○寔時力反
省所景反

夏四月公會紀侯于成
成魯地在泰山鉅平縣東南

秋八月壬午大閱
齊為大國以戎事徵諸侯之成嘉

美鄭忽而忽欲以有功為班怒而訴齊魯人懼之故

禮六經夏四月紀侯
欽定本作紀侯可從

以非時簡車馬
○閱大閱○正義曰公狩于郎公

書公者周禮雖四時教戰而遂以田獵但蒐闋車馬

未必皆因田獵田獵從禽未必皆闋車馬何則怠慢

之主外作禽荒豈待教戰方始獵也公及齊人狩于

禚乃與鄰國共獵必非自教民戰以矢魚于棠非教

戰之事主為遊戲而斥言公則狩于郎禚亦主為遊

戲故特書公也大蒐大閱國家之常禮公身雖在非

為遊戲如此之類例不書公定十四年大蒐于比蒲

邾子來會公公身在蒐而經不書公知其法所不書

以其國家大事非公私欲故也且比蒲昌間皆舉蒐

地此不言地者蓋在國簡閱未必田獵昭十八年鄭

人簡兵大蒐在於城內此亦當在城內○齊為至

車馬○正義曰大閱之禮在於仲冬今農時閱兵必

有所為傳不言其意故註者原之於時四鄰與魯無

怨又竟無征伐之處諸侯成齊經所不見而傳說鄭

忽怒事於大閱之上及十年鄭與齊衛來戰于郎知

此大閱是懼鄭忽而畏齊人故以非時簡車馬也

蔡人殺陳佗

傳

佗立踰年不稱爵者篡立未會諸侯也

傳例在莊二十二年

傳

佗立至二年○正義曰殺

傳說此事在莊二十二年不

是全無其事故不言無傳

九月丁卯子同生

傳

桓公子莊公也十二公唯子同是

適夫人之長子備用太子之禮故史書之於策不稱

太子者書始生也

○適丁歷反傳

傳

桓公至生也

長子於法當為太子故以太子之禮舉之由舉以正禮故史書於策古人之立太子其禮雖則無文蓋亦待其長大特加禮命如今之臨軒策拜始生之時未得即為太子也以其備用正禮故書其生未得命故不言太子也杜云十二公唯子同是適夫人之長子又云文公哀公其母並無明文未知其母是適以否

蓋其父未為君之前已生縱令是適亦不書也釋例云據公衡之年成公又非穆姜所生杜此註云子同是適夫人之長子備用太子之禮故史書之然則雖適夫人之長子不用太子之禮亦不書也

冬紀侯來朝

傳六年春自曹來朝書曰寔來不復其國也

傳

亦承

五年冬傳淳于公如曹也言奔則來行朝禮言朝則

遂留不去故變文言寔來

○

楚武王侵隨

傳

隨國今

義陽隨縣

傳

隨國至隨縣○正義曰世本隨國姬

十年經書楚人伐隨自是以後遂為楚之私屬不與諸侯會同至定四年吳入郢昭王奔隨隨人免之卒復楚國楚人得之使列諸侯哀元年隨侯見經其後不知為誰所滅使遠章來成焉

宋本作實來

德

遠章楚大夫。○遠于軍於瑕以待之。○瑕

反隨人使少師董成。○少師隨大夫董正也。○少詩

及下同。後鬬伯比言於楚子曰：吾不得志於漢東也。

我則使然。○鬬伯比楚大夫，令尹子文之父。我張吾

三軍而被吾甲兵，以武臨之，彼則懼而協以謀我，故

難間也。漢東之國隨為大，隨張必棄小國。○張自侈

大也。○被皮寄反。下註被甲同。間，廁之間。張，豬

國難楚之利也。少師侈，請羸師以張之。○羸弱也。

熊率且比曰：季梁在何益？○熊率且比楚

大夫季梁隨賢臣。○率音律鬬伯比曰：以為後圖，少

師得其君。○言季梁之諫不過一見從。隨侯卒當以

少師為計，故云以為後圖。二年，蔡侯、鄭伯會于鄧，始

懼楚。楚子自此遂盛，終於抗衡中國，故傳備言其事。

以終始之。○抗，苦以為至其君。○正義曰：言此計

季梁之諫，不過一見從耳。少師得其君心，君將必用

其計。若用少師，則此謀必合，故請示弱以希後日之

利。王毀軍而納少師。○從伯比之謀，少師歸，請追楚

師，隨侯將許之。○信楚弱也。季梁止之曰：天方授楚，

楚之羸，其誘我也。君何急焉？臣聞小之能敵大也，小

道大淫所謂道忠於民而信於神也上思利民忠也

祝史正辭信也正辭不虛稱君美今民餒而君逞

欲逞快也餒奴罪反餓也祝史矯舉以祭臣不知其可

也詐稱功德以欺鬼神兆反矯居

熊繹始封於楚在蠻夷之間食子男之地至此君始

疆盛威服鄰國似有天助故云天方授楚○臣聞至

可也○正義曰臣聞小國之能敵大國也必小國得

道大國淫辟如是乃得為敵也其意言隨未有道而

楚未為淫辟隨不能敵楚也既言隨未有道更說為

治民事神使之得所乃可稱為道矣故云所謂道者

忠恕於民而誠信於神也此覆說忠信之義於文中

心為忠言中心愛物也人言為信謂言不虛妄也在

上位者思利於民欲民之安飽是其忠也祝官史官

正其言辭不欺誰鬼神是其信也今隨國民皆饑餒

而君快情欲是不思利民是不忠也祝史詐稱功德

以祭鬼神是不正言辭是不信也無忠無信不可謂

道小而無道何以敵大君欲敵之臣不知其可也欲

君之下公曰吾牲牲肥臄柔盛豐備何則不信牲

楚也牛羊豕也牲純色完全也臄亦肥也黍稷曰柔在器

曰盛臄音全牲牛至曰盛正義曰諸侯祭

臄徒忽反用太牢祭以三牲為主知牲為三

牲牛羊豕也周禮牧人掌共祭祀之牲牲祭用純色

故知牲謂純色完全言毛體全具也曲禮曰豚曰臄

肥肥臄其文知臄亦肥也重言肥臄者古人自有復

語耳服虔云牛羊曰肥豕曰臄案禮記豚亦稱肥非

獨牛羊也柔是黍稷之別名亦為諸穀之總號祭之

用米黍稷為多故云黍稷曰柔柔是穀之體也盛謂

共

民而行是以聖王先成名而後致力於神故奉牲以告曰博碩肥腍謂民力之普存也

謂其畜之碩大蕃滋也謂其不疾瘕蠹也謂其備腍

咸有也雖告神以博碩肥腍其實皆當兼此四謂

民力適完則六畜既大而滋也皮毛無疥癬兼備而

無有所闕畜吁又反下皆同蕃音煩瘕七木反本

肥也疥音界癬息又作瘕同蠹力果反說文作瘵云瘵瘵皮奉盛以告曰絜粢豐盛謂其三時

不害而民和年豐也三時春夏秋奉酒醴以告曰

嘉粟旨酒嘉善也粟謹敬也謂其上下皆有嘉德

而無違心也所謂馨香無譏慝也馨香之遠聞

他得反聞音故務其三時修其五教父義母慈兄

問又如字親其九族以致其禮祀禮絜敬也九

族謂外祖父外祖母從母子及妻父妻母姑之子姊

妹之子女子之子非已之同族皆外親有服而異族

者也九族杜釋與孔安於是乎民和而神降之福

故動則有成今民各有心而鬼神之主民饑餒也

音飢君雖獨豐其何福之有君姑修政而親兄弟之

國庶免於難隨侯懼而修政楚不敢伐今民至於

曰鬼神之情依人而行故云夫民神之主也以民和
 乃神說故聖王先成其民而後致力於神言養民使
 成就然後致孝享由是告神之辭各有成百姓之意
 祭之所用有牲有食有酒耳聖人文飾辭義為立嘉
 名以告神季梁舉其告辭解其告意故奉牲以告神
 曰博碩肥膄者非謂所祭之牲廣大肥充而已乃言
 民之畜產盡肥充皆所以得博碩肥膄者由四種之
 謂故又申說四種之事四謂者第一謂民力普徧安
 存故致第二畜之碩大滋息民力普存所以致之者
 由民無勞役養畜以時故六畜碩大蕃多滋息民力
 普存又致第三不有疾病疥癬所以然者由民力普
 存身無疲苦故所養六畜飲食以理埽刷依法故皮
 毛身體無疥癬疾病民力普存又致第四備膄成有
 所以然者由民力普存人皆逸樂種種養畜羣牲備
 有也奉盛以告神曰絜粢豐盛者非謂所祭之食絜
 淨豐多而已乃言民之糧食盡豐多也言豐絜者謂
 其春夏秋三時農之要節為政不害於民得使盡力
 耕耘自事生產故百姓和而年歲豐也奉酒醴以告

神曰嘉粟旨酒者非謂所祭之酒粟善味美而已乃
 言百姓之情上下皆善美也言嘉旨者謂其國內上
 下羣臣及民皆有善德而無違上之心若民心不和
 則酒食腥穢由上下皆善故酒食馨香非言酒食馨
 香無腥膻臭穢乃謂民德馨香無諱諛邪惡也所謂
 馨香總上三者由是王者將說神心先和民志故務
 其三時使農無廢業修其五教使家道協和親其九
 族使內外無怨然後致其絜敬之祀於神明矣於是
 民俗大和而神降之福故動則有成戰無不克今民
 各有心或欲從主或欲叛君不得為無違上之心而
 鬼神乏主百姓饑餒民力彫竭不得為年歲豐也民
 既不和則神心不說君雖獨豐其何福之有神所不
 福民所不與以此敵大必喪其師君且修政撫其民
 人而親兄弟之國以為外援如是則庶幾可以免於
 禍難也告牲肥碩言民畜多告粢豐絜言民食多告
 酒嘉旨不言民酒多而言民德善者酒之與食俱以
 米粟為之於盛已言年豐故於酒變言嘉德重明民
 和之意○雖告至所闕○正義曰劉炫云杜以博
 豕火充

碩肥脂據牲體而言季梁推此理嫌其不寔故云
其寔皆當兼此四謂又民力普存非畜之形貌而季
梁以之解情又申之民力適完則得生養六畜故六
畜既大而滋息也博碩言其形狀大蕃滋言其生乳
多碩大蕃滋皆複語也瘕蠱畜之小病故以爲疥癬
之疾也不疾者猶言不患此病也○嘉善至敬也
○正義曰嘉善釋詁文也杜訓栗爲謹敬言善敬爲
酒案詩實穎實栗與田事相連故栗爲德貌此栗與
嘉善旨酒相類故栗爲謹敬之心即論語云使民戰
栗與此相似劉炫以栗爲德貌而規杜過於理恐非
○國父義至子孝○正義曰父母於子並爲慈但父
主教訓母主撫養撫養在於恩愛故以慈爲名教訓
愛而加教故以義爲稱義者宜也教之義方使得其
宜弟之於兄亦宜爲友但兄弟相敬乃有長幼尊卑
故分出其弟使之爲共言敬其兄而友愛○禮釋絜
至族者也○正義曰釋詁云禮敬也故以禮爲絜絜
隱十一年註云絜齊以享謂之禮意亦與此同也漢
世儒者說九族有二異義今禮戴尚書歐陽說九族

別

乃異姓有屬者父族四五屬之內爲一族父女昆弟
適人者與其子爲一族已女昆弟適人者與其子爲
一族已之女子子適人者與其子爲一族母族三母
之父姓爲一族母之姓爲一族母女昆弟適人者
與其子爲一族妻族二妻之父姓爲一族妻之母姓
爲一族古尚書說九族者從高祖至玄孫凡九皆同
姓謹案禮總麻三月以上恩之所及禮爲妻父母有
服明在九族中九族不得但施於同姓鄭駁云玄之
間也婦人歸宗女子雖適人字猶繫姓明不得與父
兄爲異族其子則然昏禮請期辭曰唯是三族之不
虞欲及今三族未有不億度之事而迎婦也如此所
云三族不當有異姓異姓其服皆總禮雜記下總麻
之服不禁嫁女取婦是爲異姓不在族中明矣周禮
小宗伯掌三族之列名喪服小記說服之義曰親親
以三爲五以五爲九以此言之知高祖至玄孫昭然
察矣是鄭從古尚書說以九族爲高祖至玄孫也此
註所云猶是禮戴歐陽等說以鄭玄駁云女子不得
與父兄爲異族故簡去其母唯取其子以服重者爲

水火充

卷之六 二十七

及古

先耳其意亦不異也不從古學與鄭說者此言親其九族詩刺不親九族必以九族者疏遠恩情已薄故刺其不親而美其能親耳高祖至父已之所稟承也子至玄孫已之所生育也人之於此誰或不親而美其能親也詩刺棄其九族豈復上遺父母下棄子孫哉若言棄其九族謂棄其出高祖出曾祖者然則豈亦棄其出曾孫出玄孫者乎又鄭玄為昏必三十而娶則人年九十始有曾孫其高祖玄孫無相及之理則是族終無九安得九族而親之三族九族名雖同而三九數異引三族以難九族為不相值矣若緣三及九則三九不異設使高祖喪玄孫死亦應不得為昏禮何不言九族之不虞也以此知九族皆外親有服而異

○夏會于成紀來諮謀齊難也齊欲滅族者也

紀故來謀之○難乃且反下同

○北戎伐齊齊使乞師于鄭

鄭太子忽帥師救齊六月大敗戎師獲其二帥大良

少良甲首三百以獻於齊

甲首被甲者首類反少

於是諸侯之大夫戍齊齊人饋之餼詩照

饋其媿反遺也餼許既反牲腥曰餼使魯為其班後鄭班次也魯

親班齊饋則亦使大夫戍齊矣經不書蓋史闕文

班次至闕文○正義曰劉炫云在戍受饋而使魯為班明魯人在矣襄五年戍陳書經此戍齊亦宜書今不書經疑史闕文以史策本闕仲尼不得書之十年說此云北戎病齊諸侯救之或可魯亦往救但傳無魯事之驗魯必不救不須解之

鄭忽以其有功也怒故有郎之師

郎師在十年公之未昏於齊也齊侯欲以文姜妻

鄭太子忽太子忽辭人問其故太子曰人各有耦齊

大非吾耦也。詩云：自求多福。詩大雅文王：言求福

由已，非由人也。○妻七計反。下及註同。在我而已。大國何為君

子曰：善自為謀。言獨絜其身，謀不及國，及其敗戎

師也。齊侯又請妻之。欲以他女妻之，固辭。人問其

故，太子曰：無事於齊，吾猶不敢。今以君命奔齊之急

而受室以歸，是以師昏也。民其謂我何。言必見怪

於民，遂辭諸鄭伯。假父之命以為辭，為十一年鄭

忽出奔衛傳。○秋大閱，簡車馬也。○九月丁卯，子同

生，以大子生之禮舉之，接以大牢。大牢，牛羊豕也。

以禮接夫人，重適也。○接如字。鄭註禮記作捷，讀此者亦或捷音。大

適也。○正義曰：大牢，牢之大者。三牲，牛、羊、豕。具為大

牢，儀禮少牢饋食之禮，以羊、豕為少牢，以牲多，少稱

大小也。詩公劉曰：執豕于牢。周禮充人掌繫祭祀之

牲，牲祀五帝則繫于牢，芻之三月是牢者，養牲之處

故因以為名。鄭玄詩箋云：繫養曰牢，是其義也。禮記

內則曰：國君世子生，告于君，接以大牢。文在，三日負

子之上，則三日之內，接之矣。記云：凡接子，擇日。鄭云

雖三日之內，必選其吉焉。是三日之內，擇日接之為

子接母，故記稱接子。此傳舉之之下，即云接以大牢

亦以接子為文，其寔接母故云。以禮接夫人，重適也。

鄭玄云：接讀為捷，捷勝也。謂食其母，使補虛強氣也。

此言以禮接之，則與鄭異也。內則又云：接子，庶人特

豚，士特豕，大夫少牢，國君世子大牢。其非冢子，則皆降等。

卜士負之，士妻食之。禮：世子生三日，卜士負之，射人以桑弧蓬矢，射天地

四方卜士之妻為乳母

○食音嗣弧音胡蓬步工反射天地食亦反

世至乳母○正義曰四方以上皆內則文也故以乳母

云卜士之妻大夫之妾使食子食謂乳也故以乳母

言之鄭玄云桑弧蓬矢本大古也天地四方男子所

有事也士妻大夫之妾謂時自有子者定本直云射

四方無天地案禮云桑弧蓬矢六今無天地誤也賈

達云桑者木中之衆蓬者草中之亂取其長大統衆

而治公與文姜宗婦命之

世子生三月君夫人沐浴於外寢立於阼階西鄉世婦抱子升自西階君命

之乃降蓋同宗之婦

○阼才○義曰乃降以上皆內

則文也鄭玄云子升自西階則人君見世子於路寢

也見妾子就側室凡子生皆就側室以其生於側室

見於路寢故從外而升階也襄二年葬齊姜傳曰齊

侯使諸姜宗婦來送葬諸姜是同姓之女知宗婦是

命之故使宗婦侍夫人

公問名於申繻對曰名有

五有信有義有象有假有類

申繻魯大夫

音須以

名生為信

若唐叔虞魯公子友以德命為義

若

文王名昌武王名發

若文至名發○正義曰周本紀稱大王見季歷生昌有

聖瑞乃言曰我世當有興者其在昌乎則是大王見

其有瑞度其當與故名之曰昌欲令昌盛周也其度

德命發則無以言之服虔云謂若大王度德命文王

曰昌文王命武王曰發似其有舊說也舊說以為文

王見武王之生以為必

發兵誅暴故名曰發

以類命為象

若孔子首象

尼丘

以幣二字疑衍

本和正

卷之六

汲古閣

畜為馬牛羊豕犬雞周禮牧人掌牧六牲鄭玄亦以馬牛等六者為之然則畜牲一物養之則為畜共用則為牲故并以**不以器幣**幣玉帛正義曰周禮六畜解六牲以幣圭以馬璋以皮璧以帛琮以錦琥以繡璜以黼然則幣玉帛者謂此主璋璧琮帛錦繡黼之屬也以幣以幣為玉帛則器者非徒玉器服虔以為俎豆彝彝犧象之屬皆不可以為名也**周人**

以諱事神名終將諱之君父之名固非臣子所斥

然禮既卒哭以木鐸狗曰舍故而諱新謂舍親盡之

祖而諱新死者故言以諱事神名終將諱之自父至

高祖皆不敢斥言○周人以諱事神名絕句眾家多反本又作殉同以名字屬下句鐸待洛反狗似俊

舍音捨下同○周人至諱之○正義曰自殷以往未有諱法諱始於周周人尊神之

故為之諱名以此諱法敬事明神故言周人以諱事神子生三月為之立名終久必將諱之故須豫有所辟為下諸廢張本也終將諱之謂死後乃諱之○君父至斥言○正義曰君父之名固非臣子所斥謂君父生存之時臣子不得指斥其名也禮稱父前子名君前臣名鄭玄云對至尊無大小皆相名是對父則弟可以名兄對君則子可以名父非此則不可也文十四年傳曰齊公子元不順懿公之為政也終不

曰公曰夫已氏註云猶言某甲是斥君名也彼以不順故斥其名知平常不斥君也成十六年傳曰欒書將載晉侯鍼曰書退國有大任焉得專之註云在君前故子名其父彼以對君故名其父知平常不斥父也雖不斥其名猶未是為諱曲禮曰卒哭乃諱鄭玄云敬鬼神之名也諱辟也生者不相辟名衛侯名惡大夫有石惡君臣同名春秋不非是其未為之諱故得與君同名但言及於君則不斥君名耳既言生已

不斥死復為之加諱欲表為諱之節故言然以形之禮既卒哭以木鐸狗曰舍故而諱新自寢門至於庫

春秋

卷之六

汲古閣

門皆禮記檀弓文也既引其文更解其意謂舍親盡
之祖而諱新死者也親盡謂高祖之父服絕廟毀而
親情盡也卒哭之後則以鬼神事之故言以諱事神
又解終將諱之所諱世數自父上至高祖皆不敢斥
言此謂天子諸侯禮也曲禮曰逮事父母則諱王父
母不逮事父母則不諱王父母鄭玄云此謂庶人適
士以上廟事祖雖不逮事父母猶諱祖以其立廟事
之無容不為之諱也天子諸侯立親廟四故高祖以
下皆為諱親盡乃舍之既言以諱事神則是神名必
諱文王名昌武王名發詩雖禘太祖祭文王之廟也
其經曰克昌厥後周公制禮醢人有昌本之菹七月
之詩周公所作經曰一之日膺發烝民詩曰四方爰
發皆不以為諱而得言之者古人諱者臨時言語有
所辟耳至於制作經典則直言不諱曲禮曰詩書不
諱臨文不諱是為詩為書不辟諱也由作詩不諱故
祭得歌之尚書牧誓云今予發武成云周王發武王
稱名告眾史官錄而不諱知於法不當諱也金縢云
元孫某獨諱者成王啓金縢之書親自讀之諱其父

共知

名口改為某既讀之後史官始錄依王所讀遂即云
某武成牧誓則宜諸眾入宣訖即錄故因而不改也
古者諱名不諱字禮以王父字為氏明其不得
諱也屈原云朕皇考曰伯庸是不諱之驗也故以
國則廢名國不可易故廢名正義曰國名受之
天子不可輒易若以國為名終卒之後則廢名不諱
若未卒之前誤以本國為名則改其所名晉之先君
唐叔封唐變父稱晉若國不可改則改其所名晉之
易而晉得改者蓋王命使改之**以官則廢職**以山川
則廢主改其山川之名正義曰廢主謂廢其所主
山川之名不廢其所主之祭之者漢文帝諱恒改北
嶽為常山諱名不廢嶽是也劉炫云廢主謂廢其所
主山川不復更得其祀故須改其**以畜牲則廢祀**
山川之名魯改二山是其事也**以器幣則廢禮**晉以僖侯
名猪則廢猪名羊則廢羊以器幣則廢禮晉以僖侯

水火

卷之六 三十三

及古

廢司徒僖侯名司徒廢為中軍
廢司徒義曰祀以牲為

主無牲則祀廢器幣以行禮器少則禮闕祀雖用器少一器而祀不廢且諸禮皆用器幣故以廢禮總之

宋以武公廢司空武公名司空廢為司城先君獻

武廢二山二山具敖也魯獻公名具武公名敖更

以其鄉名山○敖五
語云范獻子聘於魯問具敖

之山魯人以其鄉對獻子曰不為具敖乎對曰先君獻武之諱也是其以鄉名山也禮稱舍故而諱新親

盡不復更諱計獻子聘魯在昭公之世獻武之諱久已舍矣而尚以鄉對者當諱之時改其山虎諱雖已

舍山不復名故依本改名以其鄉對猶司徒司空雖歷世多而不復故名也然獻子言之不為失禮而云

名其二諱以自尤者禮入國而問禁人門是以大物而問諱獻子入魯不問故以之為慙耳

不可以命公曰是其生也與吾同物命之曰同物

類也謂同日物類也謂同日○正義曰魯世家云桓公六年夫人生子與桓公同日

故名之曰同是知同物為同日也言物類者辨此以為類命也

命以求成于齊公告不能紀微弱不能自通於天

子欲因公以請王命公無寵於王故告不能

雅者李巡孫炎皆云放火燒草守其下風周禮羅氏
蜡則作羅襦鄭云襦細密之羅此時蟄者畢矣可以
羅罔圍取禽也今俗放火張羅其遺教然則彼火田
者直焚其一叢一聚羅守下風非謂焚其一澤也禮
天子不合圍諸侯不掩羣尚不盡取一羣豈容并焚
一澤知其譏盡物故書也沈氏以周禮仲春火弊謂
夏之仲春今周之二月乃夏之
季冬故譏其盡物義亦通也

夏穀伯綏來朝

唯反綏須

鄧侯吾離來朝

不總稱朝者各自行朝禮也穀國在

南鄉筑陽縣北音竹

傳七年春穀伯鄧侯來朝名賤之也辟陋小國賤

之禮不足故書名以春來夏乃行朝禮故經書夏辟

匹亦反本辟陋至書夏正義曰傳直云賤之
又作僻同不言賤意以穀鄧是南方諸侯近楚小
國明以辟陋小國故賤之也賤之者以其朝禮不足
故書名也曲禮云諸侯不生名今生書其名欲比之
附庸但實非附庸故仍書其爵介葛盧言來不言朝
全不能行朝禮此則行朝禮但禮不足耳傳在春經
在夏經書實朝之日故春來至夏乃書之世本鄧為
曼姓莊十六年楚文王滅之穀則不知何姓是誰滅
之服註云穀鄧密邇於楚不親仁善鄰以自固卒為
楚所滅無同好之救桓又有弒賢兄之惡故賤而名
之衛冀隆難杜云傳曰要結外援好事鄰國以衛社
稷又云服於有禮社稷之衛穀鄧在內地屬衡岳以
越棄疆楚遠朝惡人卒至滅亡故書名以賤之杜駁
論先儒自謂一準丘明之傳今僻陋之語傳本無文
杜何所準焉知其辟陋傳又稱莒之辭陋而經無貶
文穀鄧辟陋何以書名此杜義不通秦道靜釋云杞
桓公來朝用夷禮故曰子杞文公來盟傳云賤之明
賤其行夷禮也然則穀鄧二君地接荆蠻來朝書名

而

春秋

卷之十

沈古閣

明是賤其辟陋也。此則傳有理例。故杜據而言之。若必魯桓惡人，不合朝聘。何以伯糾來聘，譏其父在仍叔之子，譏其幼弱。又魯班齊饋，春秋所善。美魯桓之有禮，責三國之來伐。而言遠朝惡人，非其辭也。○

夏盟向求成于鄭。既而背之。盟向二邑名。隱十一年，王以與鄭，故求與鄭成。○盟音孟，向傷。○至鄭成。

○正義曰：此盟向之邑，必有主據之言。求成于鄭，是主求成也。隱十一年，王以與鄭，傳稱王不能成，然則鄭雖得之，亦不能成。故今始求成，既有背之，是背鄭歸王。故王遷于郊，若主不歸王，則王無由得遷之也。

秋鄭人齊人衛人伐盟向。王遷盟向之民于郊。○秋曲沃伯誘晉小子侯殺之。○曲沃伯武公也。小子侯，哀侯子。

○冬曲沃伯誘晉小子侯殺之。○曲沃伯武公也。小子侯，哀侯子。

沃伯武公也。小子侯，哀侯子。

經八年春正月己卯，烝。無傳。此夏之仲月，非為過而

書者，為下五月復烝見瀆也。例在五年。○烝之承反。夏戶雅反。為

下于偽反。復扶。八年春正月己卯烝。○正義曰：衛又反見賢。過反。氏難杜云：上五年閉蟄而烝，謂十

月此正月烝，則是過時。而烝春秋有一貶而起二事者。若武氏子來求購，一責天王求購，二責魯之不共

此正月烝。一責過時。二責見瀆。何為不可。而云非為過時者。秦氏釋云：案周禮四時之祭皆用。仲之月

此正月則夏之仲冬。何為不得烝。而云過時也。又傳無過時之文。明知直為再烝而瀆也。

天王使家父來聘。無傳。家父，天子大夫。家氏，父字。

夏五月丁丑，烝。無傳。

秋伐邾。無傳。

春秋

卷之十

沈古閣

冬十月雨雪

無傳

今八月也書時失

○雨于

祭公來遂逆王后于紀

祭公諸侯為天子三公者王

使魯主昏故祭公來受命而迎也天子無外故因稱

王后卿不書舉重畧輕○祭側

祭伯今而稱公知其為天子三公公羊亦云祭公者

何天子之三公也從周向紀不由魯國縱令因使過

魯自當假道而去不須言來也凡言遂者因上事生

下事之辭既書其來又言遂逆是先來見魯君然後

向紀知王使魯主昏故祭公來受魯命而往迎也凡

昏姻皆賓主敵體相對行禮天子聘后於諸侯亦使諸

侯為主令與后家為禮嫁女則送女於魯令魯嫁女與

王后則令魯為主使魯遣使往逆故祭公受魯命

也遂王女者王姬至魯而後至夫家其王后昏后不

來至魯者以王姬至魯待夫家之逆以為禮故須至

魯后則王命已成於魯無事故即歸京師於逆稱王

后舉其得王之命后禮已成於歸稱季姜申父母之

尊言子尊不加於父母從父母之家而將歸於王據

父母之家為文故於歸申父母之尊也公不獨行必

有卿從卿不書舉重畧輕也知非卿不行者以傳云

禮也釋例曰襄十五年劉夏逆王后于齊傳云卿不

行非禮也知祭公如紀時亦有卿卿不書舉重畧輕

猶鞏郟之戰唯書卻克林父此天子使公卿之文是

杜約彼文知公行必卿從也異義公羊說天子至庶

人皆親迎左氏說王親迎於涓濱即天子親迎也鄭

玄駁之曰文王親迎於涓濱即天子親迎也天子雖

尊其於后則夫婦也夫婦判合禮同一體所謂無敵

豈施於此哉禮記哀公問曰冕而親迎不巳重乎孔

子對曰合二姓之好以繼先聖之後以為天地之主

祭公

祭公

祭公

也文王之迎大妣身為公子迎在殷世未可據此以為天子禮也孔子之對哀公自論魯國之法魯周公之後得郊祀上帝故以先聖天地為言耳其意非說天子禮也且鄭玄註禮自以先聖為周公及駁異義則以為天子二三其德自無定矣

傳八年春滅翼曲沃滅之○隨少師有寵楚鬬伯

比曰可矣讐有釁不可失也○釁瑕隙也無德者寵

國之釁也○釁許觀反註同夏楚子合諸侯于沈鹿沈鹿

楚地黃隨不會黃國今弋陽縣○弋餘職反使遠章讓

黃責其不會楚子伐隨軍於漢淮之間季梁請下

之弗許而後戰下之請服也○下遐嫁漢淮之間○正

興

義曰漢淮二水名漢淮之間漢北淮南禹貢云嶧冢導漾東流為漢又東為滄浪之水過三澨至于大別南入于江孔安國云泉始出山為漾水東南流為沔水至漢中東行為漢水釋例曰漢一名沔水出武都沮縣東經漢中魏興至南陽東南經襄陽至江夏安陸縣入江禹貢又云導淮自桐栢東會于泗沂東入于海釋例曰淮出義陽平氏縣桐栢山東北經汝陰淮南譙國沛國下邳至廣陵縣入海也

所以怒我而怠寇也少師謂隨侯曰必速戰不然將失楚

師隨侯禦之望楚師遙見楚師○將失楚師一本無師字季梁

曰楚人上左君必左君楚君也無與王遇且攻其

右右無良焉必敗偏敗眾乃攜矣少師曰不當王非

敵也弗從不從季梁謀戰于速杞隨師敗績隨侯

逸速祀隨地逸逃也鬬丹獲其戎車與其戎右少

師鬬丹楚大夫戎車君所乘兵車也戎右車右也

寵之故以為右秋隨及楚平楚子將不許鬬伯比曰

天去其疾矣去疾謂少師見獲而死反註同隨

未可克也乃盟而還○冬王命虢仲立晉哀侯之弟

緡于晉虢仲王卿士虢公林父○緡亡祭公來

遂逆王后于紀禮也天子娶於諸侯使同姓諸侯

為之主祭公來受命於魯故曰禮

經九年春紀季姜歸于京師季姜桓王后也季字姜

紀姓也書字者伸父母之尊○伸音申○正義曰時當

桓王故云桓王后也公羊傳曰其稱紀季姜何自我

言紀父母之於子雖為天王后猶曰吾季姜是申父

母之尊也公羊又曰京師者何天子之居也京者何

大也師者何眾也天子之居必以眾大之辭言之

夏四月冬曹伯使其世子射姑來朝曹伯有疾故使其子來

朝○射姑音朝○正義曰朝禮當君

亦又音夜自親行不應使太子也當享而太子

歎明年而曹伯卒知其有疾故使太子來朝也太子

不合稱朝攝行父事故言朝也諸經稱世子及衛世

叔申經作世字傳皆為大然則古者世之與大字義通也

春秋左傳卷之十

及古閣

結語古之稱者其

申八極也

傳九年春紀季姜歸于京師凡諸侯之女行唯王后

書註為書婦人行例也適諸侯雖告魯猶不書○為

反○巴子使韓服告于楚請與鄧為好註韓服巴行

人巴國在巴郡江州縣○好音呼報反正義曰以巴所使

故言巴行人行人謂使人也地理志巴郡故巴國江

州是其治下縣也昭十三年楚共王與巴姬埋璧則

巴國姬姓也此年傳文十六年與楚子使道朔將巴

秦楚滅庸以後不見蓋楚滅之楚子使道朔將巴

客以聘於鄧註道朔楚大夫巴客韓服鄧南鄙鄧人

攻而奪之幣註鄧在今鄧縣南沔水之北○鄧音憂

殺道朔及巴行人楚子使薳章讓於鄧鄧人弗受註

言非鄧人所攻夏楚使鬬廉帥師及巴師圍鄧註鬬

廉楚大夫鄧養甥聃帥師救鄧三逐巴師不克註

二甥皆鄧大夫○聃乃三逐巴師不克○正義曰

也○不克謂楚巴不能克鬬廉衡陳其師於巴師之中

以戰而北註衡橫也分巴師為二部鬬廉橫陳於其

間以與鄧師戰而偽北北走也○衡如字一音橫陳

北如字一音佩○穠康音胸背鄧人逐之背巴師而夾攻之註楚師

偽走鄧師逐之背巴師巴師攻之楚師自前還與戰

○背音佩註同夾鄧師大敗鄧人宵潰註宵夜也潰

水火流

卷之七

及古

反戶對 ○秋虢仲芮伯梁伯荀侯賈伯伐曲沃

在馮翊夏陽縣荀賈皆國名 ○夏戶 梁國至國

地理志云馮翊夏陽縣故少梁也 是梁在夏陽也 僖

十七年傳曰惠公之在梁也 梁伯妻之 梁嬴孕過期

既以國配嬴 則梁為嬴姓 世本荀賈皆姬姓 僖十九

年秦人滅梁 荀賈不知誰滅之 晉大夫有荀氏 賈氏

蓋晉滅之 ○冬曹太子來朝 賈伯以上卿禮也

以賜大夫 ○冬曹太子來朝 賈伯以上卿禮也 諸

侯之適子 未誓於天子而攝其君 則以皮帛繼子男

故賈之以上卿 各當其國之上卿 ○適丁 諸侯

○正義曰 繼子男以上 皆周禮典命職文也 鄭玄云

誓猶命也 言誓者 明天子既命以為之嗣 樹子不易

也 釋例曰 周禮諸侯之適子 誓於天子 則下其君禮

一等 未誓則以皮帛繼子男 此謂公侯伯子男之世

子出會朝聘之儀也 誓者告於天子 正以為世子受

天子報命者也 未誓謂在國正之而未告天子者也

曹之世子未誓而來 故賈之以上卿 謂比於諸侯之

上卿 繼子男之未命 數相準故也 是言曹太子由未

誓之故 賈之以上卿 謂以賓客待之 同上卿之禮也

卿禮 賈積膳之數 掌客聘禮 畧有其事 傳不言未

誓 知曹太子必未誓者 若誓則下其君一等而已 侯

伯之子當如子男不得徒以上卿之禮待之也 釋例

總論世子故言比於諸侯之上卿 此指說曹國故分

明辨之云 各如其國之上卿 僖二十九年傳曰 在禮

卿不會公侯會 伯子男可也 昭二十三年傳曰 列國

之卿當小國之君 固周制也 然則小國之君 乃當大

而歎酒始獻施父曰曹天子其有憂乎非

歎所也施父魯大夫施父音甫非歎所也

經十年春王正月庚申曹伯終生卒未同盟而赴以

名服虔云古之為享食所以觀威儀省禍福無喪而戚

名

夏五月葬曹桓公無傳

秋公會衛侯于桃丘弗遇無傳衛侯與公為會期中

皆公更與齊鄭故公獨往而不相遇也桃丘衛地濟

北東阿縣東南有桃城仲反背音佩

冬十有二月丙午齊侯衛侯鄭伯來戰于郎改侵伐

而書來戰善魯之用周班惡三國討有辭惡鳥洛

路改侵至有辭正義曰周禮大司馬以九伐

反之法正邦國賊賢害民則伐之負固不服則侵

之然則侵伐者師旅討罪之名也魯以周禮為班則

魯有禮矣三國伐有禮是討有辭矣春秋善魯之用

周班不使三國得伐之故改侵伐而書來戰言若三

國自來戰而魯人不與戰也釋例曰齊侯衛侯鄭伯

來戰于郎夫子善魯人之秉周班惡三國之伐有禮

故正王爵以表周制去侵伐以見無罪此聖人之所

以扶獎王室敦崇大教故改

常例以特見之是其義也

傳十年春曹桓公卒終施父之言號仲譖其大

夫詹父於王號仲王卿士詹父屬大夫譖側鳩

反○大夫傳言譜其大夫知是屬已之大夫非號大夫者若號國大夫號仲自得加罪無為譜之於王且其若是號人不得以王師伐號故也○詹父有

辭以王師伐號○夏號公出奔虞○虞國在河東大

陽縣○虞國至陽縣○正義曰譜云虞姬姓也周

之後武王克商封虞仲之庶孫以為虞仲之後處中

國為西吳後世謂之虞公僖五年晉滅之地理志河

東大陽縣周武王封大伯後於此是為虞○秋秦人

納芮伯萬于芮○四年圍魏所執者○初虞叔有玉

之弟○虞叔虞公之弟○叔既為祭公之弟知虞叔亦是

之弟○虞公求旃○旃之也○旃之○弗獻既而悔之曰

周諺有之匹夫無罪懷璧其罪○人利其璧以璧為

罪○諺匹夫無罪○正義曰士大夫以上則有妾

故韋昭通謂之○吾焉用此其以賈害也○賈買也○

匹夫匹婦也○乃獻又求其寶劍叔曰是無厭也無厭將

及我○將殺我○厭於鹽○遂伐虞公故虞公出奔共

池○共池地名關○共音洪○冬齊衛鄭來戰于郎

我有辭也初北戎病齊○在六年諸侯救之鄭公子

忽有功焉齊人餽諸侯使魯次之魯以周班後鄭鄭

人怒請師於齊齊人以衛師助之故不稱侵伐○不

書傳

之

稱侵伐而以戰為文明魯直諸侯曲故言我有辭以禮自釋交綏而退無敗績○綏荀先書齊衛王爵也

禮鄭主兵而序齊衛下者以王爵次之也春秋所以

見魯猶秉周禮○見賢**禮**鄭主至周禮○正義曰

合先書當先書鄭也春秋之例主兵者先書此則鄭

人主兵鄭宜在先而先序齊衛者王爵齊衛為侯尊

於鄭伯故以王爵尊卑為序也不依主賓之例而以

王爵序者魯班諸侯之成以王爵為次鄭忽負功懷

怒致有此師故特改常例還以王爵次之見魯猶秉周禮故也

地闕

經十有一年春正月齊人衛人鄭人盟于惡曹惡曹

夏五月癸未鄭伯寤生卒同盟於元年赴以名

秋七月葬鄭莊公無傳三月而葬速

九月宋人執鄭祭仲祭氏仲名不稱行人聽迫脅以

逐君罪之也行人例在襄十一年釋例詳之○聽吐

祭祭氏至詳之○正義曰莊二十五年陳侯使女

名則於法當書名祭仲行無可嘉知仲非其字故云

祭氏仲名也祭仲鄭卿而至宋見執必是行至宋也

行使被執例稱行人此當云執鄭行人而不稱行人

者聽宋迫脅以逐出其君罪之故不稱行人昭八年

楚人執陳行人于徵師殺之傳曰罪不在行人也以

罪不在則稱行人知祭仲罪在其身故去行人也釋

例曰祭仲之如宋非會非聘與於見誘而以行人應

命不能死節挾偽以篡其君故經不稱行人以罪之

春秋流

是說罪治之意襄十一年楚人執鄭行人良霄傳曰
 書曰行人言使人也是變例也傳稱誘祭仲而執之
 則本非行人故經不言杜必知以行人應命罪之故
 不稱行人者祭仲若不至宋宋人何得執之既往至
 宋即是因事而行亦既因事而行便為使人之例杜
 以傳文稱誘故序其本意言非聘非會聽宋迫脅故
 不稱行人罪之經與齊人執鄭詹文亦何異劉君以
 祭仲是字鄭人嘉之妄規杜氏就如劉言既云罪其
 逐君何以嘉而稱字杜以蕭叔非字故知祭仲是名
 仲既書名為罪則不稱行人是其貶責劉云祭仲本
 非行人未知**突歸于鄭**突厲公也為宋所納故曰
 有何所據歸例在成十八年不稱公子從告也文連祭仲故不
 言鄭**突厲**突厲至言鄭○正義曰成十八年傳例曰
 實公子而不稱公子傳無褒貶之例知從告者之辭
 告者不言公子故不稱也十五年許叔入于許十七

年蔡季歸于蔡皆以字繫國突不繫鄭者以文連祭
 仲祭仲之上已有鄭字蒙上鄭文故不言鄭也以宋
 人執仲納厲乃是一事連書故突得蒙上鄭**忽出奔**
 文其鄭忽奔衛則鄭人別告故不連上文鄭忽出奔
衛忽昭公也莊公既葬不稱爵者鄭人賤之以名
 赴**忽**忽昭至名赴○正義曰僖九年傳曰宋桓公
 卒未葬而襄公會諸侯故曰子里克殺奚齊于
 大書曰殺其君之子未葬也彼以未葬故繫父知既
 葬則成君此莊公既葬則忽成君矣宜書鄭伯出奔
 今書忽之名知鄭人賤之以名
 赴也其賤之意說在忽之復歸

柔會宋公陳侯蔡叔盟于折無傳柔魯大夫未賜族

者蔡叔蔡大夫叔名也折地闕○折之設反
 地闕○正義曰以柔不稱族與無駭相類是無族可
 稱知其未賜族也亦以蔡叔無善可嘉知叔是名叔

Handwritten text on the right edge of the paper, possibly a library or collection stamp.

心成るる上は海

のあはれし事あり

然るに力の御海程

不定目し知る事

ありあらずはしる

事なりしは事

中上と云ふは

力なりしは

ありあらず

二月十日

あはれし事あり

例し由る事あり

2
The (1) 1840s

to the same

1/15/18

Albion

1840

1840, 1841, 1842

1843, 1844, 1845

1846, 1847, 1848

1849, 1850, 1851

1852, 1853, 1854

1855, 1856, 1857

1858, 1859, 1860

1861, 1862, 1863

1864, 1865, 1866

亦無族蓋亦未賜族也

公會宋公于夫鐘

註

無傳夫鐘邾地

音扶

冬十有二月

公會宋公于闕

註

無傳闕魯地在東平須昌縣東南

○闕品暫反須宣踰反

傳十一年春齊衛鄭宋盟于惡曹

註

宋不書經闕

○正義曰丘明作傳本以解經經傳不同皆傳是其實今傳有宋而經無宋知是經之闕文宋為大國傳處鄭下是史文舊闕傳先舉經之所下也服虔以為不書宋宋後盟宋若後盟盟本無宋傳不得言齊衛鄭宋為此盟也傳之上下例不虛舉經文舉此盟者為經闕宋故也

楚屈瑕將盟貳軫

註

貳軫二國名

鄭

○屈居勿反楚大夫氏貳音二軫之忍反皆國名

鄭人軍於蒲騷將與隨絞

州蓼伐楚師

註

鄭國在江夏雲杜縣東南有鄭城蒲騷鄭邑絞國名州國在南郡華容縣東南蓼國今義

陽棘陽縣東南湖陽城

○鄭音云國名騷音蕭又音繆絞古卯反蓼音了本或作

鄧同隨絞州蓼四國名夏戶雅反鄭本亦作潰音云棘紀力反湖音胡

莫敖患之

莫敖楚官名即屈瑕

註

莫敖廉曰鄭人軍其郊必不

誠且日虞四邑之至也

註

虞度也四邑隨絞州鄭也

邑亦國也○且日人逸反度待落反

君次於郊郢以禦四邑

註

君謂屈瑕也郊郢楚地

註

及古閣

蓼

亦大荒

卷之七十三

及古閣

○郢以井反禮君不稱天大夫不稱君恐民之惑也然則大夫不得稱君此謂屈瑕為君者楚僭王號縣令稱公故呼卿為君大夫正法當呼為主昭元年傳醫和謂趙文子曰主相晉國是其事也祁盈之臣謂祁盈為君伯有之臣謂伯有為公是家臣稱其主耳
我以銳師宵加於鄭鄭有虞心而恃其城特近其城○近附鄭有虞心○正義曰鄭人曰虞四邑心而又自恃近城故無鬪志
莫有鬪志若敗鄭師四邑必離莫敖
曰盍請濟師於王盍何不也濟益也○盍戶各反濟箋計反
對曰師克在和不在眾商周之敵君之所聞也
商紂也周武王也傳曰武王有亂臣十人紂有億兆

夷人○億於力反○商紂至夷人○正義曰古文尚書有亂臣十人同心同德昭二十四年傳引之云亦有離德已與本小殊此註改予為武王又倒其先後者使文耳雖言傳曰非傳本文劉炫云欲以成軍以出證商周之不敵故先少而後多非便文
又何濟焉莫敖曰卜之對曰卜以決疑不疑何卜遂
敗鄭師於蒲騷卒盟而還卒盟貳軫○鄭昭公之敗北戎也
在六年齊人將妻之昭公辭祭仲曰必取之君多內寵子無大援將不立三公子皆君也
子突子亶子儀之母皆有寵○妻七計反下註同援於眷反亶亡匪反本或
弗從○夏鄭莊公卒初祭封人仲足有寵於莊公

註祭鄭地陳留長垣縣東北有祭城封人守封疆者

因以所守為氏○疆居良反莊公使為卿為公娶鄧曼生

昭公故祭仲立之曼鄧姓○為公于偽反曼音萬宋雍氏女

於鄭莊公曰雍姑生厲公雍氏姑姓宋大夫也以女妻人曰女○雍音於恭反女音尼據反註曰女同姑音其音反又音其秩反雍氏

宗有寵於宋莊公故誘祭仲而執之祭仲之如宋非會非聘見誘而以行人應命○應應對之應○祭仲至義曰傳言誘而執之則祭仲被誘如宋在宋見執執不在會知非會也被誘而往如非聘也直為見誘而以行人應彼宋命也行人謂行往宋耳劉炫曰不立

云杜欵成不稱行人之義故以行人言之

曰不立

突將死亦執厲公而求賂焉祭仲與宋人盟以厲公

歸而立之○秋九月丁亥昭公奔衛己亥厲公立

經十有二年春正月

夏六月壬寅公會杞侯莒子盟于曲池曲池魯地魯國汶陽縣北有曲水亭○汶音問

秋七月丁亥公會宋公燕人盟于穀丘穀丘宋地燕人南燕大夫

八月壬辰陳侯躍卒無傳厲公也十一年與魯大夫盟於折不書葬魯不會也壬辰七月二十三日書於

春秋流

卷之七十五 及古閣

八月從赴。○躍羊。○厲公至從赴。○正義曰：躍為
 曰陳厲公蔡出也。故蔡人殺五父而立之。五父即
 六年殺佗而厲公立也。陳世家以佗與五父為二人。
 言蔡人為佗殺五父及桓公太子免而立佗。是為厲
 公立七年。大子免之。三弟躍林杵曰：共弑厲公而躍
 父佗一人而世家以為二人。案經蔡人殺佗在桓公
 卒之明年。不得為佗立。七年也。佗以六年見殺。躍以
 此年始卒。不得為躍立。五月也。既以佗為厲公。又妄
 稱躍為厲公。世本無利公。皆是馬遷妄說。束皙言
 馬遷分一人以為兩人。以無為有。謂此事也。壬辰是
 七月二十三日。上有七月書於八月之下。如此類者。
 註皆謂之日誤。今云從赴者。以其終不可通。蓋欲兩
 解故也。以五年正月甲戌巳丑陳侯鮑卒。甲戌非正
 月之日。而以正月起。文傳言再赴是赴以正月也。彼
 以十二月之日為正月。赴魯。知赴者或有以前月之
 前月之日從後月而赴。故因此以示別意。

公會宋公子于虛

虛宋地

○虛去

冬十有一月公會宋公子于龜

龜宋地

丙戌公會鄭伯盟于武父

武父鄭地 陳留濟陽縣東

北有武父城

○父音甫地各有父字者皆同甫音

丙戌衛侯晉卒

無傳重書丙戌非義例 因史成文也

未同盟而赴以名

○重直用

義曰春秋之中唯此

重書日其餘亦應有一日兩事各書日名但更無其
 日不可復知計赴告之體本應皆以日告史官書策
 復應各書其日但他國之告或有詳畧魯史記注多
 違舊章致使日與不日無復定準及其仲尼書經不
 以日月褒貶或畧或詳非此所急故日月詳畧皆依
 舊文此重書丙戌非是義例以舊史所重故因史成

耳文

十有二月及鄭師伐宋丁未戰于宋

書戰者以見宋之無信也莊十一年傳例曰皆陳曰

戰尤其無信故以獨戰為文

○正義曰春秋之例戰不言伐以其伐可知故畧其

文也伐者討有罪之辭言戰又言伐者皆是罪彼所

伐之國此既書伐宋又重書戰者以見宋之無信言

以鐘鼓聲其罪而伐人彼不服罪而反與我戰所以

深責之也莊二十八年齊人伐衛衛人及齊人戰此

文亦當如彼宜云及宋人戰今直言戰于宋者尤其

無信故以獨戰為文皆陳曰戰戰是敵辭不言及宋

戰不使宋得敵也十年郎之戰我有禮彼無禮齊鄭

無辭以罪我不令我與彼敵彼自獨戰為文此戰我

有信而宋無信我有辭以責宋不使宋敢敵我我自

獨戰為文郎戰我有辭故言戰不言伐此戰宋無辭

故言伐不言與宋戰二者雖文皆獨戰而義存彼此

俱是善惡有殊不得相敵故也

傳十二年夏盟于曲池平杞莒也

杞自是遂不平○公欲平宋鄭秋公及宋公盟于句

瀆之丘

賂於鄭鄭人不堪故不平

故又會于虛冬又會于龜宋公辭平故與鄭伯盟于

武父

遂帥師而伐宋戰焉宋無信也君子曰苟信不繼盟

暗

無益也。詩云：君子屢盟，亂是用長。無信也。

言無信故數盟。數盟則情疏，情疏而憾結，故云長亂。

○屢力俱反，本又作婁音同。長丁丈反。註同。數音朔。下同。憾，戶楷反。

楚伐絞，軍其南

門，莫敖屈瑕曰：絞小而輕輕，則寡謀，請無扞采樵者

以誘之。

人獲三十人，明日絞人爭出，驅楚役徒

於山中，楚人坐其北門而覆諸山下。

設伏兵而待之。大敗之，為城下之盟而還。

○覆扶又反。註同。城下盟，諸侯所深恥。宣十五年楚圍宋，傳稱華

元謂子反曰：敝邑易子而食，折骸以爨，雖然，城下之盟，有以國斃不能從也。寧以國斃不肯從，城下之盟，是其深恥也。必為深恥者，諸侯當好事四鄰，以衛社稷，相時而動，量力而行。今乃構怨疆敵，兵臨城下，力

甚，將為鄰國所笑，故深恥之。

伐絞之役，楚師分涉

於彭。

彭水在新城昌魏縣。義曰：釋例云：彭水出

數之。

羅熊姓國在宜城縣西山中，後徙南郡枝江

縣，伯嘉羅大夫，謀伺也。巡徧也。

○謀徒協反。數色圭。徧音羅。熊至徧也。正義曰：羅熊姓，世本文也。

其軍中伺候間隙以反報其主，故此訓謀為伺。而兵書謂之反間也。巡徧也，謂巡徧行之。

水火流 卷之七十八 岐古閣

經十有三年春二月公會紀侯鄭伯已巳及齊侯宋公

衛侯燕人戰齊師宋師衛師燕師敗績

續例在莊十一年或稱人或稱師史異辭也衛宣公

未葬惠公稱侯以接鄰國非禮也

多責賂於鄭故以紀魯及齊與宋衛燕戰然則此戰

之與本由宋鄭相怨雖復各連同好當以宋鄭為主

其序紀在鄭上宋處齊下者若魯人不與而鄰國自

行則以主兵為先若與魯同行魯史所記則當以魯

為主不得復先主兵亦既不先主兵即以大小為序

故紀先鄭也宋使齊為主猶隱四年州吁伐鄭使宋

為主故齊先宋此以公在會故不以主兵為先尊卑

為序故紀在鄭先若然莊二十六年會宋人齊人伐

徐杜云宋主兵故序齊上彼魯亦在而先主兵者彼

是魯之微人所會之國又少此則公自在會及所戰

之國歷序又多故不與彼同也戰稱將敗稱師是史

策之常法也史所以然者師是將之所帥戰則舉將

為重敗則羣師盡崩固當舉師言敗若其敗還書將

則是將身獨敗無以見師之大崩故戰則稱將敗則

稱師言其眾師盡敗非獨將身敗也此燕人謂將也

楚子傷目故稱楚子敗績此若云燕人敗績則是燕

將身傷以此不得不稱師敗唯莊二十八年衛人敗

績違常文耳

者決莊二十八年衛人及齊人戰衛人敗績也此敗

稱師而彼敗稱人是史異辭也史非一人立辭自異

非褒貶之例也此二者於理則師是而人非但不以

為義故合各從其本耳杜以既葬為成君雖則踰年

猶待葬訖故以惠公為非禮釋例曰父雖未葬喪服

在身踰年則於其國內即位稱君伐鄭之役宋公衛

侯是也春秋書魯事皆踰年即位稱公不可曠年無

君則知他國亦同然據父未葬於其國內雖得伸其

春秋

卷之七十九

左傳

明文案文八年八月天王崩九年春毛伯來求金傳曰不書王命未葬也彼以踰年未葬不得稱王命使是其禮制未可以此知接鄰國則違禮制也

三月葬衛宣公無傳

夏大水無傳

秋七月

冬十月

傳十三年春楚屈瑕伐羅鬬伯比送之還謂其御曰莫敖必敗舉趾高心不固矣難言屈瑕將敗故以益師諷諫趾足也遂見楚子曰必濟師難言屈瑕將敗故以益師諷諫

役

反難乃且反諷方鳳反本亦作風楚子辭焉不解其旨故拒之

戶買反入告夫人鄧曼曼楚武王夫人言伯比意不在於益眾也其謂君撫鄧曼曰大夫其非眾之謂也

小民以信訓諸司以德而威莫敖以刑也莫敖狃於

蒲騷之役將自用也狃伏也蒲騷在十一年

反伏時世反又時設反必小羅君若不鎮撫其不設備乎夫固

謂君訓眾而好鎮撫之撫小民以信也

召諸司而勸之以令德訓諸司以德也見莫敖而

告諸天之不假易也諸之也言天不借貸慢易之

召伯比

人威莫敖以刑也。○易以豉反註同借子夜不然夫

豈不知楚師之盡行也。楚子使賴人追之不及。○賴

國在義陽隨縣。賴人仕於楚者。○盡津忍反此

至行也。○正義曰大夫伯比言濟眾者非益眾之謂

也。其此伯比之意當謂君宜撫慰小人士卒以言信

也。教訓諸司長率以令德而威懼莫敖以刑罰也。莫

敖狃於蒲騷之役。徂貫也。貫於蒲騷之得勝。遂恃勝

以為常。將自用其心不受規諫。必輕小羅國以為無

能。君若不以言辭刑罰鎮重撫慰之。莫敖其將不設

備乎。夫謂伯比之意固當謂君教訓眾民而好以言

辭鎮撫之。此軍之諸司而勸勉之以善德。見莫敖而

告之道。上天之意不借貸慢易之人。不使慢易之人

得勝。言其必須敬懼也。其意當如此耳。若其不然。此

伯比豈不知楚師之盡行也。而更請益師乎。○伯

比也。○正義曰說文云狃狎也。狃習也。郭璞云貫快

也。今俗語皆然。則狃快皆貫習之義。以貫

得勝則輕易前敵將自用其意不復持重。莫敖使徇

于師曰。諫者有刑。○徇宣令也。○徇及鄆亂次以

濟。○鄆水在襄陽宜城縣入漢。○鄆於晚反又於萬

亂次以○鄆鄆水至入漢。○正義曰釋例曰鄆水出

濟其水○鄆鄆水至入漢。○正義曰釋例曰鄆水出

遂無次且不設備。及羅羅與盧戎兩軍之○盧戎南

蠻。○盧如字本大敗之。莫敖縊於荒谷。羣帥囚于冶

父。○縊自經也。荒谷冶父皆楚地。○縊一豉反荒如

也。治音。以聽刑。楚子曰。孤之罪也。皆免之。○宋多責賂

於鄭。○立突賂鄭不堪命。故以紀魯及齊與宋衛燕

於鄭。○立突賂鄭不堪命。故以紀魯及齊與宋衛燕

於鄭。○立突賂鄭不堪命。故以紀魯及齊與宋衛燕

於鄭。○立突賂鄭不堪命。故以紀魯及齊與宋衛燕

於鄭。○立突賂鄭不堪命。故以紀魯及齊與宋衛燕

戰不書所戰後也。公後地期不及其戰，故不書所

戰之地。期公後至之地。正義曰：兩敵將戰，必豫

戰期。公不及設期，唯及其戰，故言戰而不書。所戰之

地，言此地非公所期，故不書也。釋例曰：桓十三年戰

不書，所期者戰所在之地也。公會戰而後，其期猶

及諸侯，共其成敗，故備書諸國而不書地。成十六年

傳曰：戰之日，齊國佐至於師，此其類也。然則諸戰書

日者，日即從月計。此經當云二月，已公會紀侯鄭

伯，今退已巳於鄭伯之下者，春秋之例，公之出會，例

多以月要盟，戰敗例多以日。故已巳之文，在公會紀

侯鄭伯之下，十二年十二月及鄭師伐宋，丁未戰于

宋，亦其類也。服虔云：下日者，公至而後定戰日也。劉

與日，當同時設期，公既不及期，地安得及期日也。劉

炫云：公會紀鄭告廟而行，始行即書會也。其戰之日

則戰罷，乃告廟，史官雖連并其文而存。鄭人來請

其本旨已巳是戰日，故下日以附戰。鄭人來請

修好。○好呼報反。

經十有四年春正月，公會鄭伯于曹。修十二年武父

之好，以曹地與會。○好呼報反，與音預。

無冰。無傳，書時失。不書戰，始即祭不祭，對書以示

夏五。不書月，闕文。鄭伯使其弟語來盟。

秋八月壬申，御廩災。御廩，公所親耕，以奉粢盛之倉

也。天火曰災，例在宣十六年。○廩，力錦。御廩至

義曰：傳稱御廩災，乙亥嘗書不害也。明嘗之所用，是

御廩之所藏也。禮記祭義云：天子為籍千畝，諸侯百

畝，躬秉耒以事天地山川社稷先古，敬之至也。穀梁

傳曰：天子親耕以共粢盛，王后親蠶以共祭服，國非

春火流。卷之七 二十二

藏 曹

收

日御

致下同

無良農工女也。以為人之所盡事，其祖禰不若以已。所自親者也。月令季秋乃命冢宰藏帝籍之收於神倉。鄭玄云：重粢盛之委也。帝籍所耕于畝也。藏祭祀之穀，故為神倉。以此諸文知御廩藏公所親耕以奉粢盛之倉也。廩即倉之別名。周禮廩人為倉人之長。其職曰：大祭祀則共其接盛。鄭玄云：接讀為扱，扱以授春人。大祭祀之穀籍田之取藏於神倉者，不以給小用，是公所親耕之粟擬共祭祀藏於倉廩，故謂之御廩。災其屋而不損，乙亥嘗。先其時亦過也。既戒其穀，故曰書不害也。

日致齊廩雖災苟不害嘉穀則祭不應廢故書以示法。○先悉薦反。又建未未是始殺，故云先其時亦過也。周禮大宰祀五帝前期十日帥執事而卜日遂戒享先王亦如之。鄭玄云：十日者容散齊七日，至齊三日，至齊御廩雖災苟不害嘉穀有穀可以共祭。

祀則祭不應廢，故書以示法也。若害穀則當廢，不可苟用他穀，故也。先時亦過，則當書，但書過已有成例，故傳指言不害，故沈氏云：杜以先時亦過，則當書，傳何以專言不害？此丘明之意，若非先時有災不害，亦書。若非御廩有災，先時亦書，進退明例也。服虔云：魯以壬申被災，至乙亥而嘗，不以災害為恐，故衛難杜云：若救之則息，不害嘉穀，則傳當有救火之文。若如宋災傳舉救火，今直言不害，明知不以災為害。杜必為不害嘉穀者，秦氏答云：傳所以不載救火者，傳以指釋經文，畧舉其要，所以不載救火，至於宋鄭之災，彼由簡牘備載詳畧不等，不可相難也。

冬十有二月丁巳齊侯祿父卒。無傳。隱六年盟於艾。

宋人以齊人蔡人衛人陳人伐鄭。凡師能左右之曰。

以例在僖二十六年。

傳十四年春會于曹曹人致餼禮也熟曰饗生曰餼

○正義曰周禮外內饗皆掌割亨之事亨人給外內饗之費亨煮饗者煮肉

之名知熟曰饗哀二十四年傳稱晉人餼臧石牛以生牛賜之知生曰餼又聘禮致饗餼五牢一牢腥

二牢餼二牢飪是熟肉腥是生肉知餼是未殺鄭玄以為生牲曰餼唯瓠葉箋云腥曰餼欲以牽為牽行

故餼為已殺非定解也定解猶以生為餼傳諸言餼者皆致生物於賓也

○夏鄭子人來尋盟且修曹之會子人即弟語也其後為子人氏

○秋八月壬申御廩災乙亥嘗書不害也災其屋

救之則息不及穀故曰書不害

○冬宋人以諸侯伐鄭報宋之戰也在十二年焚渠門人及大逵

書

門鄭城門達道方九軌○達九龜反伐東郊取牛首東

郊鄭郊牛首鄭邑以大宮之椽歸為盧門之椽大

宮鄭祖廟盧門宋城門告伐而不告入取故不入大

音泰椽直專反椽也圓曰椽方曰椽說文云周謂之椽齊魯謂之桷

經十有五年春二月天王使家父來求車

三月乙未天王崩無傳桓王也

夏四月己巳葬齊僖公無傳

五月鄭伯突出奔蔡突既篡立權不足以自固又不

能倚任祭仲反與小臣造賊盜之計故以自奔為文

罪之也。例在昭三年。倚於義曰：凡諸侯出奔，皆被逐而出，非自出也。舊史書臣以逐君，仲尼修春秋，責其不能自固，皆以自奔為文，以故此註迹突之惡。言其罪之意，釋例曰：諸侯奔也，皆迫逐而苟免，非自出也。傳稱衛孫林父甯殖出其君，名在諸侯之策。此以臣名赴告之文也。仲尼之經，更沒逐者主名，以自奔為文，責其不能自安自固，所犯非徒所逐之臣也。言其所犯處多，非徒逐者獨惡，君不能君，故臣亦不臣。臣之逐君，其罪已著，沒其臣名，獨見君罪言罪，不純在其臣故也。衛獻公出奔，不名，鄭伯突及北燕伯款、蔡侯朱等皆書名者，從彼告辭，故釋例曰：衛赴不以名，而燕赴以名，隨赴而書之，義在彼不在此也。言責其不能自安自固，自奔即是身罪，名與不名，不復著義，故從告也。昭三年傳曰：書曰：鄭世子忽復歸。北燕伯款出奔齊，罪之也。是變例也。鄭世子忽復歸于鄭，忽實居君位，故今還以復其位之例為文也。

稱世子者，忽為太子，有母氏之寵，宗卿之援，有功於諸侯，此太子之盛者也。而守介節，以失大國之助，知三公子之彊，不從祭仲之言，修小善，絜小行，從匹夫之仁，忘社稷之大計，故君子謂之善自為謀，言不能謀國也。父卒而不能自君，鄭人亦不君之，出則降名，以赴，入則逆，以太子之禮，始於見逐，終於見殺。三公子更立亂鄭者，實忽之由，復歸例在成十八年。音界行下孟，忽實至八年。正義曰：成十八年，反更音庚。傳曰：復其位曰復歸，忽本既居君位，然後出奔，故今還以復位之例為文也。經言復歸，明是復位之例，註言此者，以忽之出奔，不稱鄭伯歸，言春秋火流，卷之七，二十五，成古閣。

春禾正
世子又非君號非君而稱復歸嫌其不是復位故明
之禮父在稱世子忽父之喪於今五年世子非所當
稱故迹其稱之意鄧曼所生立為世子是有母氏之
寵也宗卿謂同姓之卿祭仲之女曰雍姬則祭仲姬
姓是同宗卿也救齊敗戎是有功也而守介節謂守
墳瑣狷介之節不娶齊女也經書鄭忽出奔不稱鄭
伯是降名以赴也今稱世子復歸是逆以天子之禮
也逆以天子之禮者以突是庶子無道出奔更欲擇
君莫踰於忽以本名世子故迎之使還為是世子所
以得歸鄭以世子名告不以嘗為君告時史因其告
辭書曰世子實復本位書曰復歸而忽之為君不能
自固始於見逐終於見殺三公子更立為君亂鄭國
者實忽之由釋例與此註盡同其末云故仲尼因以
示義言因舊史之文即稱世子示鄭人本有不可以為
君之義忽於隱公之世每稱公子六年
稱天子則救齊之時已立為太子故也

許叔入于許
許叔莊公弟也隱十一年鄭使許大夫

奉許叔居許東偏鄭莊公既卒乃入居位許人嘉之

以字告也叔本不去國雖稱入非國逆例

○正義曰入者自外之辭本其所自之處言其自許
東偏而入于許國非從外國入也鄭莊公以十一年
卒許叔今始入者蓋鄭突不使其復忽既得位親仁
善鄰存許以德許人冀其為已之援故此年始得入
也小白陽生入皆稱名此叔稱字故云許人嘉之以
字告也杜知是字者以蔡季子來歸亦以書字故知
之也杜以傳例云凡去其國國逆而立之曰入嫌此
亦為國逆之例釋例曰諸在例外稱入直是自外入
內記事常辭義無所取賈氏雖夫人姜氏之入皆以
為例由先儒以為國逆故言許叔本不去國非國逆
之正例國逆正例據去國而來許叔本非去國故云
非國逆例其實事有國逆之理故於釋例云許叔有國
迎逆指其實事有國逆之理故於釋例云許叔有國
迎逆之文但非國逆正例耳劉君不達此旨妄規杜失

也非

公會齊侯于艾

邾人牟人葛人來朝無傳三人皆附庸之世子也其

君應稱名故其子降稱人牟國今泰山牟縣葛國在

梁國寧陵縣東北○牟亡三人至東北○正義

知其尊卑同也以邾子未得王命知牟葛之等是附

庸邾黎來來朝附庸書名此若君自親來則亦應稱

名若遣臣來聘又不得稱朝曹伯使世子射姑來朝

是世子有稱朝之義知此三人皆附庸世子攝行父

事而來朝也諸侯之卿稱名大夫降稱人是人之於

名例差一等若附庸其君應稱名故其子降稱人釋

例曰王之世子不名諸侯世子則名會王世子于首

止曹世子射姑來朝是也附庸世子稱人邾人牟人

葛人來朝是也言世子稱謂之等級也地理志奉

山郡牟縣故牟國也陳留郡寧陵縣應劭曰故葛伯

國然則於晉屬梁國也

秋九月鄭伯突入于櫟櫟鄭別都也今河南陽翟縣

未得國直書入無義例也○櫟音歷

冬十有一月公會宋公衛侯陳侯于袤伐鄭○袤宋地

在沛國相縣西南先行會禮而後伐也○袤昌氏反

○正義曰知非不與謀言會者以言

與謀例也召陵會杜註云於○正義曰知非不與謀言會者以言

召陵先行會禮與此同也

傳十五年春天王使家父來求車非禮也諸侯不貢

春秋左傳

卷之七 二十七

及古

車服註車服上之所以賜下天子不私求財註諸侯

有常職貢○祭仲專鄭伯患之使其壻雍糾殺之將

享諸郊雍姬知之謂其母曰父與夫孰親其母曰人

盡夫也父一而已胡可比也註婦人在室則天父出

則天夫女以為疑故母以所生為本解之遂告祭仲

曰雍氏舍其室而將享子於郊吾惑之以告祭仲殺

雍糾尸諸周氏之汪註汪池也周氏鄭大夫殺而暴

其尸以示戮也○舍音捨汪烏黃反暴步卜反公載以出註愍其見

殺故載其尸共出國曰謀及婦人宜其死也○夏厲

公出奔蔡○六月乙亥昭公入○許叔入于許○公

會齊侯于艾謀定許也○秋鄭伯因櫟人殺檀伯而

遂居櫟註檀伯鄭守櫟大夫○檀徒丹反○冬會于袤謀

伐鄭將納厲公也弗克而還

經十有六年春正月公會宋公蔡侯衛侯于曹

夏四月公會宋公衛侯陳侯蔡侯伐鄭註春既謀之今

書會者魯諱議納不正蔡常在衛上今序陳下蓋後

至註春既至後至○正義曰宣七年傳例云與謀

會者魯諱與諸侯聚議納不正之人故從不與謀之

春秋左傳

卷之七二十八

及古蜀

春禾正
從不與謀之文者厲公篡大子忽之位謀而納之非
正故諱之從不與謀之例是其義也諸侯之序以大
小為次班序譜稱自隱至莊十四年四十三歲征伐
盟會者凡十六國時無霸主會同不并無有成序其
間蔡與衛凡七會六在衛上唯
此處在陳下故以為蓋後至也

秋七月公至自伐鄭傳曰用飲至之禮故書

冬城向傳曰書時也而下有十一月舊說因謂傳誤

此城向亦俱是十一月但本事異各隨本而書之耳
經書夏叔弓如滕五月葬滕成公傳云五月叔弓如
滕即知但稱時者未必與下月異也又推校此年閏
在六月則月却而節前水星可在十一月而正也詩

云定之方中作于楚宮此未正中也功役之事皆總
指天象不與言歷數同也故傳之釋經皆通言一時

不月別○向失亮反傳曰至月別○正義曰杜

如滕經傳之異如滕與葬同月知此城向與出奔同
月但本事既異各隨本而書之下有月而此無月耳
其實同是十一月也但十一月水星昏猶未正故復
推校歷數此年月却節前水星可在十一月而正又
方者未至之辭故以定之方中為方欲何中而實未
正中十一月可以與土功書時非傳誤也劉炫規過
以為案周語云辰角見而雨罪天根見而水涸駟見
而隕霜火見而清風戒寒故先王之教曰雨畢而除
道水涸而成梁隕霜而冬裘具清風至而修城郭故
夏令曰九月除道十月成梁營室之中土功其始先
儒以為建戌之月霜始降房星見霜降之後寒風至
而心星見鄭玄云辰角見謂九月本天根見謂九月

中

春秋

卷之十一

齊地

為號○屬音燭下同為**國**左右至為號○正義曰

于偽反勝羊政反**國**公子法無左右明其因母

為號公羊稱諸侯取一國則二國往勝之以有二勝

故分為左右說公羊者言右勝貴於左勝義或當然

此左右公子蓋**夷姜縊****國**失寵而自縊死宣姜與公

宣公之兄弟也**子朔構急子****國**宣姜宣公所取急子之妻構會其過

惡**國**○構古豆反**公使諸齊使盜待諸莘將殺之****國**莘

會古外反**衛地陽平縣西北有莘亭**○公使所使**壽子告之使**

反莘所**行****國**行去也**不可曰棄父之命惡用子矣****國**惡安也

鳥註同**有無父之國則可也及行飲以酒壽子載其**

旌以先盜殺之急子至曰我之求也此何罪請殺我

乎又殺之二公子故怨惠公十一月左公子洩右公

子職立公子黔牟**國**黔牟羣公子○飲以酒於鳩反

列反黔其廉**國**載其旌○正義曰代之而載其旌蓋

反又音琴**國**旌有志識故也世家云與大子白旌

而告盜曰見白旌者殺之或當以白旌為旌但馬**惠**

遷演此文而為之說其辭至鄙未必其言可信也**公奔齊**

經十有七年春正月丙辰公會齊侯紀侯盟于黃**國**黃

齊地**二月丙午公會邾儀父盟于趯****國**趯魯地稱字義與蔑

盟同二月無丙午丙午三月四日也日月必有誤**國**○

齊火亮**及古**

鳩

翠軌

夏五月丙午及齊師戰于奚奚魯地皆陳曰戰直觀

反

六月丁丑蔡侯封人卒十三年大夫盟于折

秋八月蔡季自陳歸于蔡季蔡侯弟也言歸為陳所

納

癸巳葬蔡桓侯無傳稱侯蓋謬誤三月而葬速

侯蓋誤○正義曰五等諸侯卒則各書其爵葬則舉諡稱公禮之常也此無貶責而獨稱侯故云蓋謬誤也釋例曰卒而外赴者皆王爵而稱名慎死考終不敢違大典也書葬者皆從主人私稱客主之人敬各

有本謙敬各得其所而後二國之禮成也葬蔡桓侯獨不稱公劉賈許曰桓卒而季歸無臣子之辭也蔡侯無子以弟承位羣臣無廢主社稷不乏祀故傳稱蔡人嘉之非貶所也杞伯稱子傳為三發蔡侯有貶傳亦宜說史書謬誤疑在闕文是其疑之意也

及宋人衛人伐邾

冬十月朔日有食之甲乙者歷之紀也晦朔者日月

之會也日食不可以不存晦朔晦朔須甲乙而可推

故日食必以書朔日為例

傳十七年春盟于黃平齊紀且謀衛故也齊欲滅

紀衛逐其君○及邾儀父盟于趨尋蔑之盟也蔑

場

盟在隱元年。○夏及齊師戰于奚。疆事也。爭疆界

也。疆居良反。註及下皆同。於是齊人侵魯疆。疆吏來告。公曰：疆

場之事，慎守其一，而備其不虞。虞度也。不度猶不

意也。場音亦度。疆亦至不虞。正義曰：疆場謂

待洛反。下同。界畔也。至此易主，故名曰場。典

封疆者，不得已往，使人無使人來，侵已，謹

慎守其一家之所有，以備不意度之事。姑盡所備

焉。事至而戰，又何謁焉。齊背盟而來，公以信待，故

不書侵伐。背音佩下同。○蔡桓侯卒，蔡人召蔡季于陳。桓侯無子，故召季而立之。季內得國人之望，外有諸

侯之助，故書字以善得衆，稱歸以明外納。○秋，蔡季

自陳歸于蔡，蔡人嘉之也。嘉之，故以字告。○伐邾，

宋志也。邾宋爭疆，魯從宋志，背趙之盟。○冬十月

朔，日有食之，不書。日官失之也。天子有日官，諸侯有

日御。日官，日御，典歷數者。日官居卿，以底日禮也。

日官，天子掌歷者，不在六卿之數，而位從卿，故言

居卿也。底，平也。謂平歷數。底音旨。下同。○正義曰：周禮

大史掌正歲年以序事，頒告朔于邦國。然則天子掌

歷者，謂大史也。大史下大夫，非卿，故不在六卿之數。

傳言居卿，則是尊之若卿，故知非卿，而位從卿，故言

居卿也。平歷數者，謂掌作歷數，平其遲速，而頒於邦

國也。晦朔弦望，交會有期，日月五星

行道有度，歷而數之，故曰歷數也。日御不失日，以

明 下同
疆

授百官于朝。日官平歷以班諸侯，諸侯奉之不失。

天時以授百官。初，鄭伯將以高渠彌為卿，昭公惡

之，固諫不聽。昭公立，懼其殺已也，辛卯殺昭公而立

公子亶。公子亶，昭公弟也。惡鳥路反。及註，君子

謂昭公知所惡矣。公子達曰：公子達，魯大夫也。君子

至惡矣。正義曰：弑君者，人臣之極惡也。昭公惡其

人，其人果行大惡，是昭公知所惡矣。言昭公惡之不

妄也。韓子以為君子言知所惡者，非多其知之名而

嫌其心不斷也。曰知之若是其名也，而不如早誅焉，

以及於死，故言知所惡以見其無權也。昭公知其惡

而不能行其誅，致使渠彌含憎懼死，以徼幸。故昭公

不免於弑，戒人君使疆於斷也。公子達，魯大夫也。

正義曰：知非鄭人者，若是鄭人，當在君子之前言

也。高伯其為戮乎？復惡已甚矣。復重也。本為昭公

所惡而復弑君，重為惡也。復扶又反。註同一音服

則乖註意。重直用反。下同。經十有八年春，王正月，公會齊侯于濼。

濼水在濟南。歷城縣西北入濟。濼，盧篤反。又力角反。公與夫人

姜氏遂如齊。公本與夫人俱行，至濼，公與齊侯行

會禮，故先書會濼。既會而相隨至齊，故曰遂。公與

齊。正義曰：僖十一年，公及夫人會齊侯于陽穀，彼

言及此不言及者，公羊傳曰：公何以不言及夫人？夫

人外也。言夫人淫於齊侯而疎外公，故不言及也。穀

梁傳曰：不言及夫人，何也？以夫人之伉，不稱數也。言

及，言及也。及，言及也。及，言及也。及，言及也。及，言及也。

及，言及也。及，言及也。及，言及也。及，言及也。及，言及也。

及，言及也。及，言及也。及，言及也。及，言及也。及，言及也。

及，言及也。及，言及也。及，言及也。及，言及也。及，言及也。

夫人驕伉不可及故舍而不數也杜無明解傳載申
繻之言譏公男女相瀆蓋以相褻瀆之故果致大禍
時史譏其男女無別故不書及也○**公本至曰遂**
○正義曰據傳文知其嚮會之時即與夫人俱行至
於樂水之上不言及夫人會者夫人從公行耳其會
之時夫人不與既會乃相隨嚮齊故如齊之上加書
夫人公自因會而行故言遂耳

夏四月丙子公薨于齊**諱**不言戕諱之也戕例在宣十

八年○戕在良反**丁酉公之喪至自齊**無傳告廟也丁

酉五月一日有日而無月

秋七月其於齊平對曰其矣

冬十有二月巳丑葬我君桓公**無傳**九月乃葬緩慢

也

傳十八年春公將有行遂與姜氏如齊**始議**行事

申繻曰女有家男有室無相瀆也謂之有禮易此必

敗**女安**夫之家夫安妻之室違此則為瀆今云將

姜氏如齊故知其當致禍亂○瀆徒本反**室**○正義曰

沈氏云卿大夫稱家家者內外之大名戶內曰室但

男子一家之主職主內外故曰家婦人主閨內之事

故為室也劉炫云釋宮云宮謂之室其內謂之家則

家之為室義無以異欲見男女之別故以室屬之其

實室家同也**公會齊侯于濼遂及文姜如齊齊侯通焉公**

謫之謫譴也○謫直革反責也註同**以告**夫人

王又正革反譴遣戰反

夫

夫

夫

繩

告齊侯。夏四月丙子，享公。齊侯為公設享，燕之。

禮為于使公子彭生乘公，公薨于車。上車曰乘，彭

生多力，拉公幹而殺之。乘如字，又純證反，註同上。

時掌反，拉力答反，幹古旦反。上車曰乘，彭

生多力，拉公幹而殺之。正義曰：莊元年公羊傳曰：夫人

彭生送之於其乘焉，搯幹而殺之。何休云：搯折聲也。

齊世家云：襄公使力士彭生抱上魯君車，因搯殺魯

桓公下車則死矣。魯人告于齊曰：寡君畏君之威，不

敢寧居，來修舊好，禮成而不反，無所歸咎，惡於諸侯，

請以彭生除之。除恥辱之惡也。好呼報反。齊人

殺彭生。不書非卿。秋，齊侯師于首止。陳師首

止，討鄭弑君也。首止，衛地。陳留襄邑縣東南有首止。

子亶會之。高渠彌相。不知齊欲討已。相息。七月

戊戌，齊人殺子亶而轅高渠彌。車裂曰轅。患裂音

列。起於四竟，又曰：觀起車裂是其事也。周禮：滌狼

氏誓，僕右曰殺誓，馭曰車。祭仲逆鄭子于陳而立之。

鄭子，昭公弟子儀也。是行也，祭仲知之，故稱疾不

往。人曰：祭仲以知免，仲曰：信也。時人知祭仲失忠

臣之節，仲以子亶為渠彌所立，本既不正，又不能固

位安民，宜其見除，故即而然譏者之言，以明本意。

知。及之。周

譏

申

音智又

○周公欲弑莊王而立王子克音智又莊王桓王

太子王子克莊王弟子儀志反

弑申

辛伯告王遂與王

殺周公黑肩王子克奔燕志反辛伯周大夫初子儀有

寵於桓王桓王屬諸周公辛伯諫曰並后妾如后

音屬匹嫡庶如嫡

反註同

兩政臣擅命

布戰

及於

耦國都如國

亂之本也周公弗從故及及於

難也難乃

市

春秋左傳註疏卷第七

終

